

# *MUDZIMU O PFUMAHO*

## *KHATHUTSHELO*

 Ni nga dzula. Ndo vha ndi...kana ndo hwalea, ndi tshi dzhena ngomu nahone nda vhona Mukomana Moore na havha vhothe hafha kha pulatifomo, khonani dze nda dzi divha lwa mihwaha minzhi. Ndi zwavhuđi vhukuma u vha vhona hafha madekwana a ńamusi. Ndi pfa u nga ndi mućuku nga u ima hafha nahone nda amba na vhorathiolodzhi vho raloho murahu hanga, huno khańwe vha do nkhakhulula musi ndo khakha. Ndi fulufhela nga u ralo.

<sup>2</sup> Ro takala zwiħulu madekwana a ńamusi u vha na muńwe muthu hafha, Khaladzi Rose. Ro vha ri tshi khou tsa phasi... ndo vha ndi na Mukomana Shores na muthusi wawe, namusi, u itela zwiliwa zwa nga masiari. Huno ndilani ya u tsa, Mukomana Williams a ri Khaladzi Rose o vha a tshi khou lwala nga maanda. Huno ra ya u mu vhona lwa tshikhathinyana, ra gwadama phasi. Huno o vha a na duda lħihulu, nahone a tshi khou lwala nga maanda. Maipfi maćuku a thabelo fħedzi, huno Murena a amba na riñe, nahone a ri, "U khou ya u fhodzwa." A ri, "U do vha a hone matshelo nga madekwana," vha ralo. Huno khezwi u fħano vħusiku ha ńamusi, o dzula heneħfa. Izwo ndi zwone.

<sup>3</sup> Khaladzi Rose, imani lwa miniti, uri avha vha... Ri livhuwa Murena. O vha o farea kha mmbete. O ri, "Ene—ene diabolo o ntwa kha tshinwe na tshinwe. Ndo da hafha nahone nda vha na mazħuluzħulu nga hezwi," luriwe lushaka lwa vhulwadze ha gulokulo, na zwińwe. Fħedzi Murena o mu phulusa, ngauralo ro takalela izwo. Ri tshi livhuwa Murena a funeaho!

<sup>4</sup> Zwino ri khou vha na zwifħinga zwavhuđi. Huno vħusiku ha matshelo, zwino, ri khou ya ha—ha Ramada. Huno ni so ngo hangwa zwino, a i nga vhi fħano vħusiku ha matshelo, i do vha i Ramada. Huno khuvhangano i khou thoma vħusiku vħu tevhelaho. Ni khou tea u vhekanya na nne vħuńwe vħusiku, ni a divha.

<sup>5</sup> Ngauralo vħusiku ho fħiraho ndo—ndo bvelesa nnđa ha tshikalo, ndi nga ndo ita pfulufħedziso ħukku kha nne muñe uri, mathomoni a ńwaha, uri ndi khou ya u tumula Milaedza u tsela kha tharū kana nña, awara ħanu, u yela khańwe kha miniti dza furaru kana fuina. Huno vhunga ndo ni vhudza vħusiku ho fħiraho, mufumakadži wanga o ngeletshedza nga Swondaho, a ri, "Wo ita zwavhuđi nga maanda." Ngauralo—zwenezwo, zwo tou ralo, ndo tea u da vħusiku ho fħiraho nahone nda zwi tħšínya,

ni a vhona. Fhedzi ndo vha ndi kha miniti dza fu<sup>ñ</sup>thanu-<sup>ñ</sup>thanu, madzuloni a furaru, vhusiku ho fhiraho.

<sup>6</sup> Ndi tshi bva phasi, madekwana a <sup>ñ</sup>namusi, Billy o ri, "U khou ya u amba nga mini?"

<sup>7</sup> Nda ri, "Zwo luga, ndi na notsi <sup>ñ</sup>thukhunyana dzo <sup>ñ</sup>waliwaho hafha, na mañwe Mañwalo. A thi <sup>ñ</sup>divhi, mañwe a hone, Milaedza miña kana miñanu yo fhambanaho." Nda ri, "Ndi a pfa musi ndi tshi swika heneffho, nahone nda vhona uri hu khou itea mini."

<sup>8</sup> A ri, "Wo fulufhedzisa u rabelela vho<sup>ñ</sup>the avho vhathu vha lwalaho."

Nda ri, "Ee, muñe wanga. Ndi gara<sup>ñ</sup>a nngana dzine wa vha nadzo?"

A ri, "Madana mavhili."

Nda ri, "Ndi khwi<sup>ñ</sup>e ndi tshi vha thoma ngadzo, madekwana a <sup>ñ</sup>namusi."

<sup>9</sup> Huno a ri, "Zwino elelwa, u tou vha na miniti dza fumi na thanu dza u amba." A ri, "Wo dzhia vhusiki hayo vhusiku ho fhiraho." [Mukomana Branham na tshivhidzo vha a sea—Mudz.] Ri do tea u <sup>ñ</sup>avhanya, kani a thi nga ralo?

<sup>10</sup> Zwo luga, ro ita pfulufhedziso kha inwi, uri ri do rabelela avho vhathu vhanne vha vha na gara<sup>ñ</sup>a dza thabelo, huno ro-ro vhofhea kha pfulufhedziso, zwo tou ralo. Ri nga si vha dis<sup>ñ</sup>e vho<sup>ñ</sup>the nga kha iyi miduba, nahone na nñe ndi nga si kone u vha vhidza nga muthihi-muthihi, afho kha vhathetshesi. Naho Muya Mukhethwa u tshi nga nnea zwone, ndi—ndi nga si kone u zwi imela. Zwo nndalela. Huno, fhedzi ro<sup>ñ</sup>the ro <sup>ñ</sup>dowela zwithu izwo. Ri a divha ur<sup>ñ</sup> Mudzimu u kha di vha Mudzimu. A si izwo zwine zwa fhodza. Ndi izwo zwine zwa fha<sup>ñ</sup>a lutendo, u ri tendela ra divha uri—uri ri Vhuhoneni Hawe.

<sup>11</sup> Huno ri khou ya, madekwana a <sup>ñ</sup>namusi, u rabelela avho vhathu vho<sup>ñ</sup>the vhalwalaho, muñwe na muñwe wavho ane a vha na idzo gara<sup>ñ</sup>a dza thabelo, dza u rabelelwa. Huno zwenezwo vhusiku ha matshelo, ngei Ramada, ri do lingedza u nea dziñwe nnzhi nahone ra thoma u vha rabelela henengei, ngauri ndi kha di vha na vhusiku ha matshelo. Ndi elekanya uri ndi na vhusiku vhuthihi ha khuvhangano, khañwe na vhuragane-vho. Zwi bva kha uri zwithu zwi itisa hani.

<sup>12</sup> Huna vhañwe, muñwe wa vhaambi we a si <sup>ñ</sup>divhonadze; na zwino ha athu u ralo, a thi elekanyi. Mukomana Humburg, kana ndi uyo... [Murathu u ri, "Amburgy."—Mudz.] Amburgy, Amburgy, Kash Amburgy. Ngauralo ndo—ndo zwi khakha zwothe, helo ndi lia dzina la German. Ndi—ndi a kholwa uri ilo ndi la German. Ngauralo ndi nga tea u ima vhuimoni-ha, sa müsi ri tshi zwi vhidza, hangwelani kuambele, u itela ene.

<sup>13</sup> Ngauralo ro vha ri khou vha na tshifhinga tshavhud<sup>ñ</sup>i kha Murena, zwo <sup>ñ</sup>diralo. Kha vhoinwi no<sup>ñ</sup>the, arali hu na vhañwe

vhatsinda hafha madekwana a ɿamusi, ro takala vhukuma u vha na vhoiñwi hafha, na u fulufhela uri Murena u do ni fhañutshedza. Ndi rabela uri hu so ngo vha na vhathu vha lwalaho ngomu tshifhañtoni musi ri tshi ɿuwa madekwana a ɿamusi, uri Murena washu a tsele fhasi kha mañda Awe mahulu nahone a fhodze vhoñthe vha lwalaho na vho ñhupheaho.

<sup>14</sup> Hafha tshifhinga tsho fhiraho, ndo vha ndi tshi dzhia muthu muthihi nga muthihi kha mivhudzisano yo khetheaho, dziñwe dza dzithaidzo dzi konðaho dzine a ri kone u dzi fhira. Zwenezwo zwi fhañea nga u tñvanya, u swika zwi tshi tea u ralo, Murena o dzulela u zwi fhañutshedza, u swika ri tshi vha na mañana mararu kana mana o lindela, huno zwenezwo vhathu vha swika kha u vhaísala kha zwipfi zwavho ngauri vha do lindela. Khañwe, kha itsyo tshifhinga tshinzhi, ni do tea u lindela khañwe ñwaha kana mivhili, ngauralo u dzhena ngomu hazwo, ni a vhona, vhukati ha miñangano, u vha dzhia kha mivhudzisano yavho. Huno ri do sokou dzula nahone ra lindela kha Murena u swika A tshi ri vhudza thaidzo yo tou ralo.

<sup>15</sup> A hu na thimathimo hu na vhathu vho dzulaho hafha madekwana a ɿamusi vhe vha vha vha kha iyo mivhudzisano ya khetheaho. Naa vha hone? Kha ri ni vhone ni tshi imisa zwanda zwañu. Kha mivhudzisano yo khetheaho. Ee, afho vho dzula, ngauralo, na u ñivha uri izwo ndi zwone. Ri sokou lindela u vhona zwine Murena a do amba, uri thaidzo ndi mini... Huno zwenezwo ndo tea u imisa izwo hafha tshinwe tshifhinga tsho fhiraho. Ndo vhudza Billy uri ri nga si tsha vha na miñwe mivhudzisano ya tshiphirini.

<sup>16</sup> Ni a vhona, ndo—ndo—ndo fhira fumbili—thanu, hu si kale, lwa vhuvhili, nahone ndi ndilani u ya kha lwa vhuraru. Huno zwenezwo ni khou aluwa, ngani, a ni, ni...nga iñwe ndila ni nga si tsha ita u ya nga he na vha ni tshi ita ngaho. Maga anu a fhungudzea. Huno—huno, zwo tou ralo, Mukomana Moore ha athu u ñivhi tshithu nga ha hezwo. O...ndi elekanya uri ri huñwe fhethu u yela kha miñwaha i fanaho.

<sup>17</sup> Fhedzi mañi manzhi o ela na mulambo u bva tshe nñe na inwi, na Mukomana Brown ri tshi ða hafha lwa u thoma, ni na Mukomana Outlaw na Mukomana Garcia, na Mukomana Fuller. Ndi a whilaela arali avho vhanna vho vha vha fhano madekwana a ɿamusi? Mukomana Garcia, Mukomana Fuller, Mukomana Outlaw, naa vha fhano? Imisaní zwanda zwañu arali ni hone. Ee, fhala ndi Mukomana Fuller, ndi a tenda, arali ndi sa khou khakha. Mukomana Outlaw nga afha. Mukomana Garcia, ndi—ndi a tenda uri o ñutshela Phoenix. Ndi elekanya uri izwo ndi zwone. O—o ñutshela Phoenix, nahone u ngei California. Zwo luga, o vha a mañuvha a vhuñi zwavhukuma, nahone ndi kha di tenda Mulaedza muthihi we nda vha ndi nawo zwila, “Yesu Kristo a sa shanduki mulovha, ɿamusi, na lini na lini.” Ndi a

kholwa hezwo zwo vha zwi nga ha... Zwo luga, Becky o vha a lushie. Izwo ndi u yela kha miñwaha ya fumiñahe.

<sup>18</sup> Huno zwino o hula, o aluwa, o khwañha, musidzana wa u vhifha o dzula nn̄da fhala huñwe fhethu, u na miñwaha ya fumiñahe. Ni gai, Becky? Mutukana, u ðo nngwana kha izwo. Ndi a elelwa ndi tshi mu takula nga tshanda tshanga. Ndi na vhuñadzi ndo vha ndi tshi ðo vha na mushumo wa u ita izwo madekwana a ñamusi.

<sup>19</sup> Elelwani ngei kha tshivhidzo tsha Mukomana Garcia vhuñwe vhusiku, o vha a muthu muñuku. Huno nda ri, "Ri na muñangano wa dzitshaka madekwana a ñamusi." Nda ri, "Ndi khou amba na Muspanish." Huno nda ri, "Mufumakadzi wanga hafha ndi Mugerman." Nda ri, "Nñe ndi munna wa Muirish." Huno nda ri, "Huno musidzana wanga muñuku ndi Muindia," huno hoyo o vha a Becky.

<sup>20</sup> Ngauralo musi ndi tshi bva nga muñango wa murahu, ho vha hu na musidzana muñuku wa Mumexico nn̄da henefho, a ri, "Mukomana Branham!"

Nda ri, "Ee, mufuñwa, u khou ñoda mini?"

A ri, "A u humbuli uri ñwananyana wau u a penyanyana, kha uri a vhe Muindia?" U a penya, u a ñivha.

Huno nda ri, "U tou vha Muindia nga nyito."

<sup>21</sup> Zwo luga, ri a livhuwa, uri, u vha fhano hafhu madekwana a ñamusi. Zwino phanda ha musi ri tshi ya kha Ipfi, kha ri ye Khae, ngauri ndi Ene Ipfi. Musi Ipfi ño vhonadzwa, hoyo ndi Ene kha inwi.

<sup>22</sup> Vhunga ro amba vhusiku ho fhiraho nga ha *Mbeu ya Vhukhakhi*, naa no livhuwa izwo, phaþutshedzo dza Murena? [Tshivhidzo tshi ri, "Amen."—Mudz.] Ndo—ndo livhuwa zwiñhulu u ñisa Mulaedza kha inwi. Huno ri a vhoneuri ri mbeu-de.

<sup>23</sup> Zwino naa hu na khumbelo yo khetheaho madekwana a ñamusi, tshiñwe tshithu tsho khetheaho? Khañwe vhañwe vha vhoñwi noþe vhanne ni khou ya u vha ni kha hoyu muduba wa thabelo, irani, "Mudzimu, i vha na khathutshelo. Musi ndi tshi ña u rabelelwa, litsha lutendo lwanga lu takuwe u itela u ñangana na dzinyimele." Huno—huno khañwe muñwe muthu u na mufuñwa, a lwalaho, na tshiñwe tshithu. Ni nga tou imisa tshanda tshañu u itela uri Mudzimu a sokou lavhelesa fhasi nahone a ri... Zwino arali izwo... A ni ñivhi uri izwo zwi ita uri ndi ñipfe hani u lavhelesa afho. Itanu ñi lavhelesa kha ñhodea ngomu hafha! Vharathu vha vhashumeli, itanu u lavhelesa izwo. Ni a vhone? Zwino, arali zwi tshi nnyita uri ndi ñipfe nga iyo ñdila, zwi ita mini kha Khotsi ashu? Zwavhukuma-kuma.

Zwino kha ri rabele.

<sup>24</sup> Yesu a funeaho, ri khou swika zwino kha Khulunoni khulu ya khathutshelo, nga kha heli Dzina li fushaho zwoþhe. "Ngauri

a hu na liñwe Dzina lo ɻewaho vhukati ha vhathu line ngalo ri tea u tshidziwa, fhedzi heli Dzina li loþhe la Murena Yesu." Huno ri khou da nga Dzina Lawe. Huno ri a rabela, Khotsi wa Taðulu, u itela uri U ri ɻanganedze, madekwana a ɻamusi, sa vhana Vhau vha tendaho. Huno hangwela u sa tenda hashu, Murena. Zwi thuse madekwana a ɻamusi, uri zwi vhe zwauri ri tende lwo khunyelelaho Ipfi la Mudzimu liñwe na liñwe madekwana a ɻamusi, kha zwithu zweþhe zwine ra zwi ɻoda.

<sup>25</sup> U a ñivha zwine zwa vha fhasi ha izwi zwanda zwine two takulelwá nþha; hu na malwadze, vhañwe vhavho hu nga ði vha hu thaidzo dza muñani, vhañwe vhavho hu thaidzo dza masheleni, vhañwe vhavho vho lemelwa, khañwe vhañwe vho humela murahu, vhañwe ndi vhatazwivhi. Thodea ifhio na ifhio, Iwe wo dala u fhira u vhambedzwa na swina liphio na liphio. Ngauralo ri a rabela, Murena, uri—uri madekwana a ɻamusi, uri ri limuwe uri maswina ashu, muñwe na muñwe, o kundwa, na lufu lwone lune. Huno uri ri a fhira vhakundi Khae We—We a ri funa nahone a Dinekedza u itela riñe, o ri ɻanzwa Malofhani Awe.

<sup>26</sup> Ri a rabela, Murena, uri u sa tenda hoþhe, thimathimo dzoþhe, u sinyuwa hoþhe, zweþhe zwi sa ngi zwa Mudzimu, zwi ðo ri ɻutshela madekwana a ɻamusi, uri Muya Mukhetwa u vhe na pfanelo ya ndila mbiluni dzashu. Ngavhe A tshi amba na riñe nga ndila dza tshiphiri. Ngavhe A tshi amba na riñe Maandani Awe. Ngavhe A tshi vusa avho vhane vho—vho faho tshimuyani, vhuisa mutakalo kha avho vhane vha khou lwalla na u þuphea, vusa magona o netaho, zwanda two ledaho zwine two ɻembelela phasi. Huno ngavhe hu tshi vha na tshifhinga tsha u takala.

<sup>27</sup> Ngavhe zwi tshi itea madekwana a ɻamusi, Murena, u ɻutshela afha fhethu u itela u ya Ramada Inn, na u thoma iñwe ya dzikhuvhangano khulwanesa ye ya vhuya ya fariwa kha ino dorobo. Murena, musi ro kuvhangano roþhe na u rabela! Wo ri, "Arali vhathu vhane vha vhidzwa nga Dzina Langa, vha dikuvhanganya vhothe nahone vha rabela, zwenezwo Ndi ðo vha pfa u bva Taðulu." Mudzimu, ri rabela uri hezwi zwi tou ralo, madekwana a ɻamusi.

<sup>28</sup> Zwino, Khotsi, musi ri tshi vhala Ipfi, a hu na ane a nga Li talutshedza fhedzi Iwe, u Mu talutshedzi Wa Iwe muñe, nahone ri rabela uri U ri talutshedze zwithu zwine ra vhala madekwana a ɻamusi. Ngauri ri zwi humbela nga Dzina la Yesu. Amen.

<sup>29</sup> Zwino arali vhanzhi vha vhoinwi vha tshi takalela u swaya phasi Mañwalo ane mushumeli a vhala. Huno ndi ðo tama inwi uri ni, madekwana a ɻamusi, arali ni tshi ðo ralo, u vula kha Vhaefesa.

<sup>30</sup> Huno ndo vha ndi tshi khou amba Swondaha yo fhiraho nga ha Vhaefesa, uri Bugu ya Yoshua yo vha i Vhaefesa ya Thestamennde ya Kale, na uri yo vha i Bugu ya thengululo hani.

<sup>31</sup> Huno thengululo i na zwipiða zwivhili zwo fhambanaho: “u bva kha” na “u dzhena kha.” Tsha u thoma, ni khou tea u bva. Vhañwe vhathu vha khou ḥoda u dzhena na shango li navho; fhedzi ni khou tea u bva kha shango, uri ni dzhene kha Kristo. Ni khou tea u bva kha u sa tenda, uri ni dzhene kha lutendo. Hu nga si vhe na tshithu na tshithihi n̄dilani yanu. U vha na lutendo lwa vhukuma, ni tea u ḥutshela tshiñwe na tshiñwe tsho fhambanaho na Ipfi la Mudzimu, murahu, uri ni dzhene kha lutendo.

<sup>32</sup> Huno heyo yo vha i Bugu ya Vhaefesa ya Thestamennde ya Kale, Yoshua. Hune, Mushe o fanyisa mulayo, o vha a sa koni u tshidza na muthihi; fhedzi tshilidzi tsho vha tshi tshi kona, huno afha *Yoshua* ndi ipfi l̄ithihi vhunga Yesu, “Yehova-mutshidzi.”

<sup>33</sup> Huno zwino zwenezwo, ri wanulusa uri ro da kha iñwe Vhaefesa, iñwe Efesa zwino. Hune, uri, kha ḥalukanyo yashu ya dzidinomineisheni na zwiñwe, na dzimbekenyamushumo dzashu dzothe dza pfunzo dzo da kha—kha Yorodane yadzo, zwenezwo ri tea u vha na—na Vhaefesa hafhu. Ri tea u vha na mupfuluwo, u “u bva” na u “ya kha,” u itela u Takulelwa-n̄tha.

<sup>34</sup> Zwino ri khou ya u vhala madekwana a ɣamusu u bva kha Vhaefesa ndima ya 2. Ndo vha ndi khou sokou amba izwo uri ni dzhene kha—kha mutala, kana vulani kha ndima.

Inwi, *nahone no maandafhadzwa, no vha no fa kha u pfuka na tshivhi:*

*Hune kha zwifhinga zwo fhiraho no tshimbila u ya nga maitele a shango, u ya nga ha mukololo wa maanda a maya, maya une zwino u shuma kha vhana vha u sa pfa:*

*Vhukati ha avho vhane roþhe ro vha na nyambedzano zwifhingani zwo fhiraho khā nyemulo dza ɣama, ri tshi vuledza lutamo lwa ɣama na lwa muhumbulo; nahone nga mvelo ro vha ri vhana vha mbiti, sa vhañwe-vho.*

*Fhedzi Mudzimu, o pfumaho khathutshelo, nga lufuno lwawe luhulu lune o ri funa ngalwo,*

*Na musi ro fa tshivhini, Ene o ri maandafhadza khathihi Nae, kana, u ri maandafhadza khathihi na Kristo, (nga tshilidzi inwi no tshidziwa;)*

<sup>35</sup> Ndi khou ḥoda u dzhia u bva afho zwiñku, kana tshipida tsha ndimana, “fhedzi Mudzimu,” *Mudzimu O Pfumaho Khathutshelo.*

<sup>36</sup> Ndi khou ḥoda inwi ni tshi lavhelesa hafha kha muporofita, muapostola, zwavhudzi-vhudzi, Paulo, ane—ane, uri o amba hani nga ha izwi, hani, “Inwi O ni maandafhadza, vhe na vha no fa. Inwi O ni maandafhadza, vhe na vha no fa, no fa kha tshivhi na u pfuka; ni tshi tshimbila ni tshi khou tevhela zwithu zwa shango, lutamo lwa ɣama, na u vuledza lutamo lwa muhumbulo. O . . .”

<sup>37</sup> Ndi tshini tshe tsha vhanga iyi tshanduko, ni a vhona? Huno ndi tshini tshe tsha zwi vhanga, “u bva kha tshiñwe

tshifhinga no fa,” u maandafhadzwa? U *maandafhadzwa* zwi amba “u itwa a tshilaho.” Hō vha na tshanduko, u bva kha lufu u ya kha Vhutshilo. A hu na tshiñwe, a hu na tshiñwe tshithu tshire tshi nga itea kha muthu muñwe na muñwe, tshihulwane zwavhukuma, u fana na u mu shandukisa u bva kha lufu u ya kha Vhutshilo. Muthu, arali o vha a tshi khou fa, lwa ɿama, nahone a kona u fhodzwa namani, hezwo zwi do vha tshithu tshihulu, fhedzi a hu na tshithu tshihulwane u fana na musi o fa tshimuyani huno Mudzimu a mu maandafhadzela kha Vhutshilo.

<sup>38</sup> “No vhuya, kha zwifhinga zwe fhiraho, na fa.” No vha no fa. Na vhanzhi hafha madekwana a ɿamusi, tshiñwe tshifhinga, ni nga lavhelesa murahu na diyha uri no vha no fa. Fhedzi zwino ndi ngani ni so ngo fa madekwana a ɿamusi, sa musi no vha ni zwone zwila? No fanelwa nga u vha nga yeneyo ndila, ngauri no vha ni muitazwivhi, “fhedzi Mudzimu O pfumaho khathutshelo.” Hetsho ndi—hetsho ndi tshone tshithu, “Mudzimu We a vha o pfuma.” Hezwi zwithu zwe the zwe ra vha ri zwone, “fhedzi Mudzimu”! Hezwo zwe ita tshanduko heneffo, “Mudzimu O pfumaho khathutshelo”!

<sup>39</sup> Oo, ndo takala zwihiulu nga izwo, uri Ene nga u pfuma khathutshelo. Arali O vha o pfuma tshelede, arali O vha o pfuma zwishumiswa, zwine O tou ralo, fhedzi tshithu tshihulwanesa ndi u pfuma khathutshelo. Oo, ndi ipfi lihulu hani ilo, uri ro vha ro fa hani.

<sup>40</sup> Huno ro vha ri tshi khou amba vhuñwe vhusiku nga ha uri mbeu i tea u fa hani. Huno tshiñwe na tshiñwe u mona na itsho tshitzhili tsha vhutshilo a tshi tei u tou fa fhedzi, fhedzi u sina. Arali tsha sa sina, tshi nga si tshire. Huno u *sina* ndi, “u fhedzwa lwo khunyelelaho; zwe fhela.” Huno u swika ri tshi da fhethu hune mihumbulo yashu na ngelekanyo dzashu dza ɿuwa lwo khunyelelaho nahone dza sina u bva kha riñe, zwenezwo tshitzhili tsha vhutshilo tshi nga thoma u tshila.

<sup>41</sup> Zwino—zwino ri nga, ndi nga dzhenisa pfunzo ɿhukhunyana hafha, ine a thi... Arali ni sa i tendi, zwe the zwe luga. Hezwo a zwi dini. Ndi a zwi tenda. Ndi a tenda uri—uri muthu, musi o bebwa kha ɿino shango, hezwo ndi musi ni lushie luñuku, no bebwa shangoni, no vha ni nga si kone u vha fhano nga nn̄da ha musi zwi u divhela phanda ha Mudzimu, ngauri Ene ha gumi nahone U diyha zwithu zwe the. Huno musi holwo lushie luñuku lwo bebwa shangoni, hu na tshiñwe tshithu ngomu ha holwo lushie. Arali a khou vhuya a ya u vha na Vhutshilo, hu na tshiñwe tshithu tshiñuku ngomu hafho, kha uyo ɿwana zwenezwo, tshire a da khatsho, u ɿavhanya kana u lenga. Iyo mbeu ɿhukhu i ngomu hawé. Zwino arali na dzhia... Mañwalo a khwañhisidza izwo zwi khagala.

<sup>42</sup> Zwino arali ni na Vhutshilo ha Lini na lini madekwana a ñamusi, arali ri na Vhutshilo ha Lini na lini, zwenezwo ro dzulela u vha hone, ngauri hu na tshivhumbeo tshithihi tsha Vhutshilo ha Lini na lini. Ro dzulela u vha hone. Huno mbuno ya uri ri vhe hone, ndi ngauri ri tshipiqa tsha Mudzimu. Huno Mudzimu ndi tshone tshithu tshi tshothe tshi re tsha Lini na lini.

<sup>43</sup> Huno vhunga sa Melchezedek o tanganedza tshafumi kha Abrahamu, huno zwa nekedzwa vhaduhulu-dulwane vhawe, Levi, we a vha a kha di vha kha khundu dza Abrahamu; o badela tshafumi, ngauri o vha a tshe kha khundu dza Abrahamu musi a tshi tangana na Melchezedek. Ndi khou joda u amba nga izwo huñwe fhethu, mañwe matsheloni. *Uyu Melchezedek Ndi Nnyi?* Zwino lavhelesani uri. Murahu-rahu, Mudzimu o divha uri hoyu mutukana u khou da. O divha zwithu zweøthe.

<sup>44</sup> Zwino ri tshipiqa tsha Mudzimu. No dzulela u vha nga u ralo. A ni zwi elelwí, ngauri no vha ni tshi tou vha tshibveledzwa kha Mudzimu. No vha ni kha ngelekanyo Yawe fhedzi. Dzina lanu lelo, arali lo vhuya la vha kha Bugu ya Vhutshilo, lo vhewa heneñho phanda ha mutheo wa shango. O divha zwe na vha ni zwone.

<sup>45</sup> Ndi khou tou amba hezwi, hu si u vilinganya pfunzo, fhedzi u i khwinisa, uri ri tutshele kule kha hedzi nyofho na u tshenuwa. A ni divhi uri ni nnyi. A ni khou ya u vha, fhedzi zwino ni vharwa vha Mudzimu. Ni a vhona, no dzulela u vha vharwa vha Mudzimu. Ni a vhona?

<sup>46</sup> Ngauri musi Mudzimu o vha na inwi ngelekanyoni Dzawe u rangani, ni tea u vha, tshinwe tshipiqa tshanu, Vhutshilo vhu re kha inwi zwino, vhu tea u vha na Mudzimu phanda ngei. Zwo luga, musi Ene, phanda ha musi A sa athu vha matheriala hafha kha lifhasi, phanda ha musi hu sa athu vha na tshithu, fhedzi Mudzimu, no vha ni muñwe wa zwibveledzwa Zwawe. O divha zwine dzina lañu la dovha. O divha muvhala wa mavhudzi u ne na do vha nawo. O divha zweøthe nga ha inwi. Tshithu tshi tshothe tsho iteaho ndi musi ni, nga u vha muitazwivhi . . .

<sup>47</sup> Vhunzhi ha vhoiñwi ni nga—ni nga vha na vhuñedzani na nñe kha heyi ngelekanyo. Musi ni mutukana muñuku, kana müsizdanza muñuku, no vha ni tshi tshimbila u mona nahone hu do vha na zwithu zwo imaho nga u ralo zwine zwa do sokou, hune zwi nga si thithise vhañwe vhana, zwi vhonalu u nga ho vha hu na tshinwe tshithu kha inwi tshe tsha huwelela. Ho vha hu na Mudzimu huñwe fhethu, fhedzi no vha ni muitazwivhi. Ni a elelwí izwo? [Tshivhidzo tshi ri, “Amen.”—Mudz.] Zwavhukuma-kuma. Zwino ho vha hu mini izwo? Hezwo ho vha hu tshivhumbeo tshiñuku tsha Vhutshilo ngomu hanu zwenezwo.

<sup>48</sup> Huno hu si kale, na pfa Mafhuno madifha. Khañwe na ya tshivhidzoni, na gavha *izwi* na *zwila*, na bva kha dinomineisheni

na ya kha dinomineisheni. Fhedzi liñwe ḋuvha, inwi nga u vha tshipida tsha Mudzimu, no tea u vha tshipida tsha Ipfi. Huno musi ni tshi pfa Ipfi, ni a divha hune na bva hone, no ḋivha uri Ngoho ho vha hu mini. No dzulela u vha hone, mbeu yo vha i kha inwi tshifhinga tshothe. Ipfi lo vhona Ipfi le la vha li kha inwi, le la vha li hone phanda ha mutheo wa shango, lo vhona Ipfi nahone na da Khało.

<sup>49</sup> Vhunga tshiṭori tshanga tshiṭuku tsha goni, uri goni liṭuku lo thothonywa hani phasi ha khuhu. Huno ṭhama ṭhukhu ya tshimbila na khukhwana, ene, khuhu dza kukuliko, huno a si pfectese kukuliko yawe. Huno—huno khukhwana, zwiliwa zwe dza vha dzi nazwo tshitumbani, o—o vha a sa pfectese izwo, uri vha ita hani izwo. Fhedzi ho vha hu na tshiñwe tshithu khae, tsho vhonala tsho fhambana kha zwine hedzo khuhu dzo vha dzi zwone, ngauri u rangani o vha a goni. Izwo ndi zwone. Liñwe ḋuvha mme awe vha da vha tshi khou zwimana nae, huno, musi a tshi pfa mutzhemo wa goni, wo vha wo fhambana na kukuliko ya khuhu.

<sup>50</sup> Huno heyo ndi yone nqila ine zwa vha ngayo na mutendi o bebwaho hafhu. Ni nga pfa thiolodzhi dzothe dzine na khou ṭoda u dzi pfa, na vhukhakhi hothe ho itwaho nga muthu; fhedzi musi Ipfi li shi penya nnnda hafho, zwenezwo hu na tshiñwe tshithu tshine tsha farelela, ni da Khało. “Inwi vhe na vha no fa tshivhini (hovho ndi vhutshilo) O ni maandafhadza.” Hu khou tea u vha na Vhutshilo afho ha u maandafhadza khaho, tsha u ranga. Mudzimu, nga u divhelaphanda Hawe, o ḋivha zwithu zwothe. Huno ro vha ro tiwa uri ri vhe vharwa na vhananyana vha Mudzimu. “Inwi ne na vha no fa tshivhini na kha u pfuka, hune rothe zwifhinga zwo ri fhelela, fhedzi O ri maandafhadza.”

<sup>51</sup> Lavhelesani kha Paulo, musi Paulo a tshe rathiolodzhi muhulwane. Fhedzi musi a tshi livhana tshifhaṭuwo na lia Ipfi, Yesu, lo maandafhadza. O da Vhutshiloni nga u tou ṭavhanya, ngauri o vha o tiwa u vha zwenezwo. Mu... O vha a tshipida tsha Ipfi; musi Ipfi li tshi vhona Ipfi, ho vha hu mvelo yawe. Kokoliko dzothe dza khuhu, kha zvivhidzo zwa maitele a vhubvo, a zwi ngo vha na masiandoitwa khae; o vhona Ipfi. Lo vha li tshipida tshawe. O vha a goni. O vha a si khuhu; o vha a tshi tou vha tshitumbani nadzo. Fhedzi o vha a goni, na u tou thoma.

<sup>52</sup> Ndi pfa tshiṭori tshi fanaho tshiṭuku, ndi a fulufhela a tshi pfali sa zwiñwe zwithu-who, nga ha sekwa liṭuku lo bebwaho phasi ha khuhu, tshiñwe tshifhinga. Lo vha li sa koni u pfectesa. Tshithu tshiṭuku tshi na mbonalo i takadzaho, tshithu tshi so ngo ḋoweleah, nahone o vha a sa koni u pfectesa mbuse na zwiñwe zwothe. Vho vha vha tshi khou tambo tshitumbani. Fhedzi liñwe ḋuvha khuhu ya kale ya ranga zwikukwana u yela murahu ha tshitumba, huno a pfa munukho wa madi. Zwo luga, o thoma u livha mađini u ya nga hune o kona. Ndi ngani? O vha a sa athu vhuya a vha matzhavani na luthihi. O vha a sa athu vhuya

a vha mađini. Fhedzi o vha a sekwa, tsha u tou thoma. Tshithu tshi tshothe tshe a vha a khou tea u ita ho vha hu u vhuya kha ene mune.

<sup>53</sup> Hezwo ndi zwithu zwithihi zwine mutendi u zwone. Hu na tshinwe tshithu khae, tshine, musi a tshi ḥangana na Mudzimu vha tou livhana zwifhaṭuwo, u ya vhuya kha ene mune. Heyo mbeu i ngomu hawe, nahone yo maandafhadzwa. Nne nne, izwo ndi zwone, nahone u a shavhela kule kha zwithu zwa shango. Zwi mbo di fa khae. Nne nne, ndi a elelwa, rothe ro vha na vhutshilo hashu, murahu, kha izwo zwithu zwa shango. Fhedzi musi ri tshi fara itsyo Tshithu tsha vhukuma, tshiňwe tshithu tshine tsha ri maandafhadza, mbeu ḥukhu ine ya da Vhutshiloni, zwenezwo zwithu zweithe zwa shango zwi a sina heneffho. A ri tshe na lutamo lwazwo.

<sup>54</sup> “Uyo o bebwaho nga Mudzimu, ha iti tshivhi. Muloshi a vhuya a tanzwa ha tshe na luvalo lwa tshivhi, ha tshe na lutamo lwa u tshivhi.” Mbudziso ya tshivhi yo fhela. Ni mbo di vha tshipida tsha Mudzimu, kha Kristo. Kristo o fela u ni rengulula.

<sup>55</sup> Zwino itanu elekanya nga zweithe zwine ro vha ri tshi do vha ri zwone arali ho vha hu si Mudzimu. Fhedzi Mudzimu, kha khathutshelo Yawe yo pfumaho, O ri rengulula hani madekwana a namusi! Ro vha ri tshi do vha ri gai madekwana a namusi arali ho vha hu so ngo vha khathutshelo ya Mudzimu yo pfumaho kha rine?

<sup>56</sup> Shango lo vhuya la vha tshivhini zwa vhukuma, zwe muthu o vhanga tshinyalo uri i de kha lifhasi u swika zwi tshi vhuya zwa ḥungufhadza Mudzimu uri O vhumbela mini muthu. Thoho yothe yo vha yo tshilonda tshi sinaho, muvhili wothe, nahone Mudzimu a vhuya a ḥungufhala uri O vhumbela mini muthu. Ngauralo A ri, “Ndi do fhedza muthu we Nda sika.” U do vha fhedza ngauri ha na tshithu fhedzi tshigwada tsha tshinyaño.

<sup>57</sup> Huno lushaka lwothe lwa muthu ndi musi lwo fhedzwa nga tshila tshifhinga, fhedzi Mudzimu, o pfumaho khathutshelo, ha ngo litsha vha si na mulandu vha tshi lovha na vha na mulandu. Huno A ḥuwa nahone a ita ndila yo bveledzwaho kha avho vhe vha ḥoda u dzhena ngomu, vhe vha ḥoda u ita zwone. O, ita ndila ya khathutshelo kha avho vhane vho tama khathutshelo, huno A lugisa gungwa. Nga marwe maipfi, O vheya dziřwe phapha kha magoni Awe, uri a fhufwe ntha ha khaṭhulo, nahone a sa ḥupele na khuhu. Fhedzi O—O ita ndila ya u ponya, mađuvhani a Noaxe. Hezwi zwe Mu ita uri a ite hezwo, u i bveledza, ngauri O vha o pfuma khathutshelo.

<sup>58</sup> Fhedzi murahu ha musi O bveledzela vhatu ndila huno zwenezwo vha i hana, zwino, mbuno ya uri vha i hani ndi ngauri a hu na tshithu ngomu afho tsha u i tanganedza. A hu na tshithu tsha u i ḥanganedza. Mme anga vho dzulela u ri, “Ni nga si wane malofha kha khufhi, ngauri a hu na malofha kha khufhi.”

Ngauralo arali hu si na tshivhumbeo tsha Vhutshilo ngomu afho tsha u Zwi ḥanganedza, zwenezwo Zwi nga si ḥanganedzwe.

<sup>59</sup> Heyo ndi yone mbuno Vhafarisei vha tshi nga lavhelesa kha tshifhaṭuwo tsha Yesu, nahone vha Mu vhidza, “Belesebulu,” ngauri ho vha hu si na tshithu khavho tsha u Mu ḥanganedza. “Fhedzi vhoṭhe vhe Khotsi a N̄ea vhone,” O ri, “vha ḫo ḫa kha N̄e.” Hu na—hu na iñwe ndila ine zwa khou ya u andadzwa.

<sup>60</sup> Ni nga amba na vhatu tshiñwe tshifhinga zwiṭaraṭani, na amba navho nga ha Murena, vha setshela tshifhaṭuwomi tshanu. Zwo luga, ri khou fanela u zwi ita, zwo ḫi ralo. Fhedzi thetshelesani, “A hu na muthu aña a nga ḫa kha N̄e nga nnda ha musi Khotsi Anga vho mu kokodza u ranga.” Mudzimu u khou tea u ita mukokodzo. Hu khou tea u vha na Vhutshilo. “Huno vhoṭhe vhe A N̄ea vhone, vha ḫo ḫa kha N̄e.”

<sup>61</sup> O ita mveledziso kha avho vhane vha khou ḫoda u rengululwa. O ita mveledziso kha avho vhane vha khou ḫoda u fhodzwa. Huno zwenezwo ngauri O ita hezwi, zwi Mu ita uri a pfume khathutshelo, sa musi O ḫidzulela u vha o pfumaho kha khathutshelo. Zwi tea u ralo, arali na ha na Hezwi, a hu na tshiñwe tshithu tsho salaho fhedzi Khaṭhulo, ngauri tshivhi tshi tea u haṭulwa.

<sup>62</sup> Farao, musi a tshi ya kha—kha lwanzhe, sa muedzisi, a tshi vhona uri a nga dzhena ngomu sa musi Mushe o ralo. Mushe na mmbi yawe, na Farao na mmbi yawe, vhoṭhe vho vha vha tshi nga lovha lwanzheni, zwi vhonala zwo ralo. Fhedzi Mudzimu, o pfumaho khathutshelo, o itela vhana vha Vhahevheru ndila ya u ponya, (ndi ngani?) ngauri vho vha vha tshi khou tevhela mutualani wa mushumo, vho vha vha tshi khou tevhela kha Ipfi.

<sup>63</sup> Zwino heyo ndi yone ndila i yoṭhe ya u wana khathutshelo, ndi u tevhedza ndaelo dze Mudzimu a ri ḫea uri ri dici tevhete. Heyo ndi yone ndila i yoṭhe ine A nga sumbedza khathutshelo, ndi musi ri tshi tevhela zwe Ene a ri ri ite.

<sup>64</sup> Sa u ṭaṭisana huṭuku a si kale, na mushumeli we a ri ndo vha ndi tshi khou funza Pfunzo ya vhaapostola kha ḫino ḫuvha. Ndi a tenda ndo amba nga hayo vhusiku kana vhuvhili ho fhiraho, kana tshiñwe tshifhinga, nga ha uri o ri, “U khou edzisa u dzenisa, kha tshino tshikhathi, Pfunzo ya vhaapostola.” O ri, “Tshikhathi tsha vhaapostola tsho fhela, na vhaapostola.”

Huno nda mu vhudzisa, “Zwo luga, u ya tenda Ipfi?”

A ri, “Ee.”

<sup>65</sup> Nda ri, “Nzumbululo 22:18 i ri, uri, ‘Nnyi na nnyi aña a ḫo bvisa Ipfi ḫithihi kha Hezwi, kana a engedza ipfi ḫithihi Khazwo,’ hu si maipfi mavhili fhedzi; Ipfi ḫithihi, u bvisa Ipfi ḫithihi.”

A ri, “Ndi a tenda izwo.”

<sup>66</sup> Nda ri, “Zwenezwo ndi nga ni vhudza hune tshikhathi tsha vhaapostolo tsho ḫnewa hone, Dziphāṭhutshedzo dza vhaapostola

dzo ḥewa Tshivhidzo; zwino mmbudzeni he Mudzimu o dzi dzhieila Tshivhidzo, nga Ipfi. Ni nga si zwi ite; a zwi ho hafho.” Nda ri, “Zwino elelwani, uri Petro, nga Duvha la Pentekoste, o vha a—a muđivhadzi wa tshikhathi tsha vhaaposta. Huno a vha vhudza vhothe uri, ‘Shandukani, nahone ni lovhedzwe nga Dzina la Yesu Kristo u itela u hangwelwa zwivhi, huno ni do ḥanganedza mpho ya Muya Mukhethwa. Ngauri pfulufhedziso ndi yanu, na kha vhana vhanu, na kha avho vha re kule, na vhanzhi vhane Murena Mudzimu washu a do vha vhidza.’”

<sup>67</sup> Zwino arali ni tshi khou ḥoda u thetshelesa kokoliko ya dzińwe khuhu dza dinomineisheni, nahone na tshila murahu fhała kha zwithu zwa shango, zwenezwo zwi ya u sumbedza uri hu na zwińwe zwithu zwo khakheaho. Ngauri, Helo ndi Ipfi. “Nnyi na nnyi ane a funa, a nga da.” Huno arali ni na lufuno, ni tea u da. Fhedzi arali ni si na lufuno, zwenezwo ni kha nyimele i ḥungufhadzaho. Fhedzi arali ni na lutamo lwa u da, idani ni tevhele fomula ya Mudzimu!

<sup>68</sup> Huno ha athu vhuya a kundelwa u vuledza zwe A pfulufhedzisa. Ndo vhuya nda vha mułuku, huno zwino ndo aluwa, a thi athu u Mu vhona a tshi kundelwa Ipfini Lawe. Ngauri, a nga ita tshińwe na tshińwe hu si u kundelwa. A nga si kundelwe. Mudzimu a nga si ralo. A zwi konadzei uri Mudzimu a kundelwe, huno a dzula a Mudzimu. U tea u ralo, u ita izwo.

<sup>69</sup> Zwino mmbi ya Farao yo lingedza u kopela, ngauri vho vha vha so ngo vhidzwa nahone vho vha vha si na vhula Vhutshilo. Kha... Pfulufhedziso a i ngo ḥewa Farao. Pfulufhedziso a i ngo ḥewa ene ya shango lo fulufhedziswaho.

<sup>70</sup> Huno mukopeli, a tshi khou lingedza u tevhela mutendi wa vhukuma o vhidzelwaho izwo, zwi tou bveledza u goda. Heyo ndi yone thaidzo kha vhurereli hashu ḥamus, ndi vhatu vhanzhi vhane vha khou lingedza u kopela Muya Mukhethwa, vhatu vhanzhi vha khou lingedza u kopela tshikhathi tsha vhaapostola. Ndi zwa vhatendi, huno henevho fhedzi. Mudzimu o ita ndila, o pfuma khathutshelo, uri vhana Vhawe vha si lovhe. O vha itela ndila.

<sup>71</sup> Zwino, Farao a tshi lingedza u kombetshedza, o ḥuvhela kha madi mathihi e a tshidza Mushe na tshigwada tshawe. Zwino, Mushe ha ngo ḥuvhela, ngauri Mudzimu o pfuma khathutshelo kha avho vhane vha khou tevhela ndila Yawe ye a i bveledza. Amen.

<sup>72</sup> Ni a kona u vhona zwine nda sumbedza? Uri, madekwana a ḥamus, vhatu vha sa tendi kha phodzo Khethwa, vhatu vha sa tendi kha ndovhedzo ya Muya Mukhethwa, vha nga ḥanganedza hani tshińwe tshithu? Mudzimu o pfuma khathutshelo kha avho vhane vha do Mu tevhela; hu si u tevhela maitele, fhedzi u tevhela Mudzimu.

<sup>73</sup> Mudzimu ndi Ipfi, huno Lo itwa nama nahone la dzula vhukati hashu, zwino, uri A kone u bveledza zwibveledzwa zwa Mudzimu. Muvhili, Yesu, ho vha hu muvhili wa Mudzimu, tshibveledzwa. Mushe o Mu vhona a tshi fhira, muṭana Wawe; a hu na muthu o no vhonaho tshifhaṭuwo Tshawe. Fhedzi zwino ri a Mu vhona, ro Mu kwama, ro Mu vhona sa tshi Thavhelo. Zwino, ni a vhona, O vha a tshibveledzwa tsha Mudzimu, o vhonadzwa, Ipfi. Hezwo ndi zwe A vha a zwone.

<sup>74</sup> Huno musi mutendi muňwe na muňwe a tshi da kha Mudzimu, u vha tshibveledzwa tsha Mudzimu tsha Ipfi Ḷawe, u shumiswa u vhonadza Ipfi lo fulufhedziswaho la ilo duvha. Ni a vhona? Izwo ndi zwone. Mudzimu, o pfuma khathutshelo, ha athu u ri sia ri si na vhuṭanzi. O pfuma khathutshelo.

<sup>75</sup> Ri wana zwino uri Mudzimu o sumbedzesza khathutshelo kha Mushe nn̄da ngei lwanzheni lwo faho, nn̄da kha Lwanzhe Lutswuku ngei, zwavhudī-vhuḍī. Zwenezwo müsi a tshi ri hafha, kha Eksodo 19:4, O ri, “Ndo ni hwala kha phapha dza goni, nda ni q̄isa kha Nñe muñe. O vha hwala nga phapha dza goni, nahone nda ni q̄isa kha Nñe muñe!” Ho vha hu na vhańwe vhanna vhukati ha lwanzhe nn̄da ngei, navho-vho, vha khou lingedza u kopela. Fhedzi mini? “O vha hwala nga phapha dza goni.”

<sup>76</sup> Zwino Mudzimu o dzulela u fanyisa vhaporofita Vhawe na magoni. Huno ho vha hu mini? Mushe o vha a murumiwa Wawe. Huno vho vha vha tshi khou tevhelela Mushe, huno hedzo dzo vha dzi dzone phapha dza goni dze vha vha vho hwala ngadzo, ngauri o vha o hwala mulaedza wa Mudzimu. Huno vhathu vho tevhela izwo. Vho vha vha tshi khou tevhelela Mudzimu musi vha tshi khou tevhelela Mushe kha mulaedza Wawe wa u phulusa. Huno Bivhili i ri, “Ene, a vho ngo lovha na avho vha so ngo tendaho.” Ngauri, Mudzimu o vha o pfuma khathutshelo khavho, ngauri vho vha vha tshi khou tevhela ndaelo Dzawe. Mudzimu u khou ri ṭoda ri tshi tevhela ndaelo Dzawe.

<sup>77</sup> Ri nga amba zwithihi nga ha Koran na nga ha Dathani na tshigwada tshavho tsha vhathu vha sa tendi, musi vho lingedza u kopela. Vho lingedza u džhenisa tshińwe tshithu kha mbekanyamushumo ya Mudzimu. A vho nga takalela mbekanyamushumo ya muthu muthihi. A vho ngo tama izwo. Vho tea u vha na tshińwe tshithu tshire vha nga ita. Kora a ri, “Ndi ngani, hu na vhanna vhanzhi vhakhethwa u fhira iwe, Mushe. U ita u nga ndi iwe khunzikhunzi u woṭhe kha...kana thongwana i yoṭhe khunzikhunzini, zwavhudī-vhuḍī.” Huno a ri, “A—a...a ni tei u ita hezwo. Huno hu na vhanna vhanzhi hafha.”

<sup>78</sup> Huno Mushe o ḥivha uri o vha a tshi khou tea u hwala avho vhana u ya kha shango la pfulufhedziso, ngauri pfulufhedziso yo vha yo newa ene. Huno u tea u vha hwala u ya shangoni la pfulufhedziso.

<sup>79</sup> Huno, namusi, Muya Mukhethwa u fhano u khwaṭhiseda Ipfia la Mudzimu, nahone hedzo ndi phapha dza goni dzine ra khou fanelia u fhufha ngadzo; hu si dziňwe thiołodzhi dzo itwaho nga muthu. Fhedzi ri khou tea u gidima n̄tha ha phapha dza goni, u ya Shangoni la pfulufhedziso.

<sup>80</sup> Zwino hafha vho vha vha tshi khou ya u wana tshigwada tsha khuhu nnda fhala, Kora o elekanya, ni a diyha, u da nga thungo, u kopela hezwi, goni. Huno musi vha tshi zwi ita, Mudzimu a ri, “Difhandekanyei khavho,” huno A mila shango. O vha a tshi nga mila zwithu zweithe, tsiko yothe, fhedzi Mudzimu o vha o pfuma khathutshelo kha avho vho no khou lingedza u tevhela Ipfia Lawe. Tshifhinga tshothe, Mudzimu o pfuma khathutshelo. Vhunzhi havho vho da kha thungo na Mushe, huno Mudzimu a vula lifhasi la mila vha sa tendi. O, ene—ene a sa tendi, u do dzulela u lovha.

<sup>81</sup> Havho vha so ngo tendaho, naho vho bva nahone vha tshimbila lwa tshikhalyanya, fhedzi, vho, Yesu o ri, “Vho tou ralo, muňwe na muňwe, o fa.” *Ufa* ndi “u tshinyadzwa tshothe.” Vho fa. Elekanyani nga havho. Vho bva, vho vhona madembe a Mudzimu, vho vhona tshanda tshihulu tsha Mudzimu, vha diphina nga mana; huno vha bvela nnda afho nahone vha thetshelesa muthu a vhidzwaho Biliamu, we a shandukisa nđila ya Mudzimu, nga pfunzo yawe yo fhambanaho na Ipfia, “Rothe ri vharathu, ngauralo kha ri dzule rothe.”

<sup>82</sup> Heyo ndi maňwe maitele a Biliamu a khou takuwa, namusi, “Kha ri dzule rothe.” A zwi nga shumi. Kha ri tshimbile na Goni, Goni la Yehova. Ni zwigoni.

<sup>83</sup> Hu na vhararu fhedzi vho tshidzwaho kha tshigwada tshothe; Mushe, Kalebe, na Yoshua. Vhanwe vhothe vho lovha sogani; Yesu o ralo, kha Yohane Mukhethwa ndima ya 6. Mudzimu, kha khathutshelo, ho ngo vha litsha vha tshi lovha, ngauri, na vhanwe vha sa tendi. Vhothe vho fa henefho sogani, nahone vho fa. Mudzimu o tshidza Mushe na vhatendi vha goni, ngauri vho ḥonifha Ipfia Lawe.

<sup>84</sup> Huno namusi, khonani, ndila i yothe ine ri nga wana phuluso kha Mudzimu; Mudzimu o pfuma khathutshelo, namusi, fhedzi ri tea u ḥonifha zwe A amba nga hazwo. Ni nga si dzhie zwe muňwe muthu-vho a amba. Ni tea u dzhia zwe Mudzimu a amba. O ri, “Litshani ipfi linwe na linwe la muthu li vhe mazwifhi, huno Langa li vhe ngoho.”

<sup>85</sup> Namusi ro vhudzwa u ri, “Zwothe zwine na tea u ita,” fhethu hunzhi, “ndi u vha murado wa tshiyhidzo, ni vhe na maitele, kana tshinwe tshithu tshi nga ho itscho; kana ni ambe thabelo, kana ni vheye dzina lanu kha bugu, kana ni shashwe kana ni lovhedzwe nga inwe nđila, kana tshinwe tshithu tshi nga ho itscho. Hezwo ndi zwone fhedzi zwine na khou tea u ita.” Fhedzi hezwo zwe khakhea.

<sup>86</sup> U vha goni la Mudzimu, ni tea u tevhela Ipfi, ḋuvha na ḋuvha. Ni tea u isa phanḍa, ni kanzwe kha Ipfi.

<sup>87</sup> Zwino ri vha wana, murahu ha itsi tshifhinga, vha tshi khou ḥuṇuna hafhu, o lediswa lutendoni, murahu ha musi Mudzimu o sumbedza khathutshelo khavho. Huno ri vha wana vha tshi khou ḥuṇunela Mudzimu, huno, musi vha tshi ralo, who vha vha tshi khou fa nga u lumiwa nga ḥnowa. Zwo luga, zwo vha fanela. Zwo tou ralo. Nnyi na nnyi ane a do swaya phoswo Ipfi la Mudzimu a ita hezwi zwithu zwe vha ita, who fanelwa nga u fa. Muṇwe na muṇwe wavho o tama, o fanelwa nga u fa sogani.

<sup>88</sup> Fhedzi musi vha tshi khou lwala nga maanda lune na dokotela Mushe nahone na muthihi wavho zwawe a kundelwa u ita tshiṇwe tshithu ngazwo, huno who vha vha tshi khou fa nga zwigidi; fhedzi Mudzimu, o pfuma khathutshelo, O ita ndila ya u ponya kha avho vhane vha do tenda Khae. O ita dzilafho khazwo, nga u imisa ḥnowa dza vhūtungu vhu fhisaho. Mudzimu kha u pfuma Hawe... Mudzimu o ita ndila ya u ponya uri vhana Vhawe vha tendaho vha fhodzwe.

<sup>89</sup> Mudzimu u na dzangalelo kha tshiṇwe na tshiṇwe tsho khakheaho, tshiṇwe na tshiṇwe tshine na lavhelela. Mutshimbilo muṇwe na muṇwe wa vhutshio, Mudzimu u na dzangalelo kha inwi. Ni ḥwana Wawe, nahone O pfuma khathutshelo. U khou ṭoda u ni itela.

<sup>90</sup> Vhatu vha tshinya ho no vha kale, nga u dzhia hetshi tshithu tshithihi tshe Mudzimu a ita uri tshi vhe tshipfumelelo khavho, nga ḥnowa mulilo, ine ya fanyisa tshivhi tsho no haṭulwaho, huno vha ita tshifanyiso iyo mpho. Huno izwi ndi u tshinya hafhu. "Mudzimu ha nga kovhekani vhugala Hawe na muthu." Ngauralo, ri nga si vhe na vhavhili, vhararu, vhadzimu vhaṇa. Hu na Mudzimu muthihi fhedzi. Ha nga kovhekani vhugala Hawe na tshiṇwe tshithu-vho. U Mudzimu, a eṭhe, ni a vhona; ngauralo sa musi vhasili vha na midzimu minzhi. Ri na ene Mudzimu muthihi, nahone Ha nga kovhekani vhugala Hawe na muṇwe, nahone Ha nga litshi tshithu na tshithihi tshi tshi vha tshifanyiso phanḍa Hawe. Naho O itela vhatu tshipfumeleli, nahone lo vha li Ipfi la Mudzimu, zwo vha zwi zwone; fhedzi musi vha tshi zwi ita tshifanyiso, zwenezwo who dzhena khakhathini.

<sup>91</sup> Zwino hezwo ndi zwithu zwithihi, ndi a elekanya, zwe zwa itea kha tshikhathi tsha tshivhidzo tshashu. Mudzimu o ri rumela mulaedza wa Martin Luther na mulaedza wawe, John Wesley, mulaedza wa pentekostała, fhedzi ro ita mini ngawo? Zwithu zwithihi zwe vha ita nga ḥnowa dza vhūtungu vhu fhisaho, ri u ita tshifanyiso, "Ndi wela kha izwi, nahone ndi wela kha zwiļa." Ni a vhona, ni wela kha tshiṇwe tshithu ni si na vhungoho ho ḥumanaho na u losha hukhethwa ha Ipfi.

<sup>92</sup> Ho itea mini? Bivhili, ro vhudzwa Bivhilini, uri, “Muporofita o dzhia tshifanyiso nahone a tshi tshi nyadza.” Hałełuya!

<sup>93</sup> Zwine ra ṭoda vhuponi ḥamusi ndi muporofita ane a do tshinyadza zwifanyiso zwa dzidinomineisheni, vhane vha elekanya uri vha khou ya ṭadulu nga nthani ha u wela kha mañwe maitele kana dinomineisheni; zwi ṭoda u tshinyadziwa nahone zwa fhiswa, zwa lațiwa kule. Mudzimu o dala khathutshelo. O pfuma khathutshelo. Duvhani line rothe ri do vha ro vhuya ra vha kha u vilingana ha swiswi nnda ngei, fhedzi Mudzimu, o pfumaho khathutshelo, o ri rumela Muya Mukhethwa wa vhukuma, na thalutshedzo Yawe Khazwo, henefha kha tshifhaṭo vhusiku vhunwe na vhunwe. Mudzimu, o pfuma kha khathutshelo Yawe, ri mu wana A wavhuđi hani! Ee, muñe wanga.

<sup>94</sup> Zwino zve vha elekanya fhedzi uri vha do zwi ita ho vha hu u sokou ya kha heyi ḥowa, kana hetshi tshithu tshiṭuku tshe Mudzimu a ita heneffho, tshe a ri Mushe a ite nahone a ḥembeledze kha thanda, huno vho vha vha tshi nga fhodzwa vha si na vhungoho na vhuthihi. Vha sokou ima nahone vha lavhelesa khayo. Huno vha mbo ita tshifanyiso khazwo, huno Mudzimu a rumela muporofita a ḥa a tshi tshinyadza.

<sup>95</sup> Zwino, vhothe vhe vha landula u lavhelesa nowa sogani, vho lovha. Zwino Mudzimu u a ita ndila, fhedzi arali na landula u i lavhelesa, arali na nga dzula tshiṭaraṭani, arali na nga farelela mañwe maitele na landula u lavhelesa tswititi kha Ipfi huno na vhona uri khañwe Ndi ngoho kana hai; vhothe vhe vha landulu u lavhelesa, vho lovha. Huno Mudzimu ndi Mudzimu a sa shanduki. Huno vhothe vhe vha landula u lavhelesa, vho lovha. Zwo ralo na ḥamusi, tshithu tshithihi.

<sup>96</sup> Zwenezwo vhatu vha tshinya ho no vha kale, huno sa musi vho dzulela u zwi ita, nahone vha ita tshifanyiso khazwo—khazwo, vha tshi khou zwi ita zwone—zwone—zwone... u wana, u lingedza u wana phodzo hu si na vhungoho, huno vho “wela kha tshiriwe tshithu,” nahone sa ndila ine ra ita ḥamusi. Huno zwino ri a vhona zwenezwo, phambano yazwo, ho vha hu, ula Mudzimu...

<sup>97</sup> Ho vha hu tshipfumeleli tshavhuđi na tshiga tshavhuđi tsha tshiła tshifhinga. Tshiła tshifhinga, zwo vha zwo luga zweithe. Fhedzi zwo vha zwi tshi khou tea u vha zwa tshe tshiła tshifhinga, zwa lwenelwo lwendo. Ndi zwezwo zwine zwa do zwi shumela fhedzi, ulwo lwendo.

<sup>98</sup> Huno mulaedza we Martin Luther a disa, wa u itwa o lugaho, wo vha u wavhuđi kha tshikhathi tsha Luther. Ndi ho no vho vhukule he zwa swikelela.

<sup>99</sup> U itwa mukhethwa zwo vha zwo luga nga tshikhathi tsha Wesley. Ndi ho no vho vhukule he zwa swikelela.

<sup>100</sup> Zwenezwo ra da kha tshikhathi tsha Pentekostała. Huno u vhuedzedzwa ha dzimpho ndi zwithu zwavhuđi vhukuma, zwo vha zwo luga kha tshikhathi, fhedzi ri khou fhira hezwo zwino. Ro fhira izwo, sa musi zwi na vhutanzi vhunga hu na shango. Ri khou tea u ya murahu ha hetshi tshithu, ngauri ro ita tshithu tshithihi ngazwo sa musi vho ita phanda hashu, u ita tshifanyiso khazwo. “Ndi wela kha *hoku* kuvhetshole kwazwo, ndi wela kha *kuļa* kuvhetshole kwazwo.”

<sup>101</sup> Mudzimu u do rumela muňwe muthu ane a do kwashekanya itsho tshithu nahone a tshi kherukanya tsha vha zwipida, huno a khwathisedza Ipfi Lawe, Ipfi lo fhelelaho. Lavhelesani. Thendo kha Mudzimu! Zwino ri a vhona uri izwo ndi zwone. Mudzimu, o pfuma kha khathutshelo Yawe!

<sup>102</sup> Zwenezwo musi muporofita a tshi tshinyadza izwi, zwo vha sia vha si na tshiga tsha phodzo na tshithihi, tsha tshipfumeleli, ngauri tshifanyiso tshavho tsho vha tsho tshinyadziwa. Fhedzi Mudzimu, o pfumaho khathutshelo, o vha itela tshiňwe. Zwino O ita mini, izwo? U ritha mađi kha divhi thembeleni, huno vhanzhi vho da nahone vha vhodzwa, nga u dzhena kha haya mađi. Yesu o da kha heli divhi lithihi, huno a vhona muthu we a vha o edela heneffo lwa miňwaha yo vhalaho, o lindela u ritwa ha mađi. Vhonani Mudzimu, o ḳalaho khathutshelo! Naho vho ita tshifanyiso kha itsho tshithu, naho muporofita o tea u tshi kherukanya, Mudzimu o vha itela inwe ndila, ngauri O pfuma khathutshelo. U khou vha ḳoda vha tshi fola, nahone A ita ndila ya phodzo yavho.

<sup>103</sup> Zwino, zwenezwo izwo zwa ya phanda, shango la ńana u vha tshivhini na u vha tshivhini, tshifhinga tshothe. Huno zwa fhelela shango lo swika kha u vha tshivhini lune Mudzimu ndi musi o li fhedza, O ri kha Maliaxe 4, “nndani ha musi Nda da nahone nda rwa lifhasi nga samba.” Ndi musi O zwi ita; itou vha mbudziso.

<sup>104</sup> Fhedzi zwenezwo Mudzimu, o pfumaho khathutshelo, O rumela Mutshidzi, Yesu Kristo. O rumela Yesu uri a vhe zwe the Mutshidzi na mufhodzi. Ngauri O ri, “Vhunga Mushe o imisa nowa ya musinasešta sogani, zwenezwo Murwa wa muthu u do imiswa,” u itela ndivho nthihi. Ene, tshipfumelelo, hezwo ndi zwone zwine ri na pfanelo khazwo, a hu na tshiňwe fhedzi tshipfumelelo. Zwe Yesu a renga nga Malofha Awe, ndi zwone zwine ri na pfanelo khazwo. Huno Bivhili yo ri, “O huvhadzelwa u pfuka mulayo hashu, O rwelwa vhutshinyi hashu, thamu ya mulalo washu yo vha i Khae; nahone nga ntho Dzawe ro fhodzwa.” Hezwo ndi zwine ri nga zwi vhila, ngauri hezwo ndi zwone zwe tshipfumelelo, tshine ra tshi imela, tsho zwi nekedzela riñe. Mudzimu, o pfuma khathutshelo!

<sup>105</sup> Hetshi tsho vha tshi khou tea u vha tshipfumeleli tsha Lini na lini, ngauri O da Ene muñe. Mudzimu o da Ene

muñe, nga tshivhumbeo tsha ñama ya tshivhi, u ita tshone—tshone—tshone—tshipfumeleli tsha Lini na lini; huno a tambula namani, nahone a ita tshipfumelelo; nahone a vhuya murahu kha tshivhumbeo tsha Muya Mukhethwa, u rwelañari itsho tshipfumelelo. Hune a hu na ñowa mulilo kana madi a fhisaho ane a nga zwi ita, zwe the two sumba kha Tshipfumelelo tsho khunyelelaho. Mudzimu, o pfumaho kha khathutshelo Yawe, o ita izwi.

<sup>106</sup> Zwino, ñamusi, u vha uri ndi ñuvha line ra khou tshila khalo, ro fhira kha hezwi zwikhathi zwa tshivhidzo nahone ra ñalutshedza tshiñwe na tshiñwe Khazwo. Vhorathiolodzhi vhashu vha ñuvha vho xetshela kule thungo Yazwo. Vha Zwi ñalutshedzela thungo, kha linwe ñuvha, tshiñwe tshikhathi, tshiñwe tshithu, murahu-rahu, kale-kale. Huno phodzo Khethwa yo vha i tsini na u litshiwa, zwi tshi konda u wana muñwe muthu ane a nga i tenda. Vho ita muswaswo ngayo. A zwi fhirisi na miñwaha ya fumbili yo fhiraho, vho vha vha tshi khou ita muswaswo ngayo. Vhapentekostaña vho ñutshela kule nayo zwi khagala. Vho thoma maduvhani a kale, fhedzi vho i ñutshela.

<sup>107</sup> Lavhelesani uri vho ita hani. Zwino vha na phukha ya dinomineisheni, i gidimela u vha itela maitele, na zwiñwe. Nga nnnda ha u ralo, madzuloni a u ñanganedza Tshedza, sa musi Tshedza tshi tshi dzhena ngomu; vho kuvhangana nahone vha ñiitela maitele, muñwe na muñwe u khouda, a tshi ñiitela pfunzo nahone a dzula kha iyo pfunzo. Huno zwenezwo vho hwalelwa kule u swika Muya Mukhethwa u sa koni u dzhena ngomu tshivhidzoni. Vho no vha tshiñwe tshifanyiso tshi nga ho ñowa mulilo, zwe no vha—u loshwa ha tshifanyiso. Muñwe na muñwe u ri, “Ndi wela kha *hetshi*, nahone ndi wela kha *tshila*.” Ho vha hu u loshwa ha tshifanyiso. U ñanganana ha hani he ra vha ri khaho, tshifhingani tsha vhufhelo.

<sup>108</sup> Fhedzi Mudzimu, o pfumaho kha khathutshelo Yawe, o rumela murahu Muya Mukhethwa kha rine, nahone a khwañisedza Ipfi Lawe vhunga O fulufhedzisa uri U ño zwi ita. Mudzimu o fulufhedzisa uri U ño ita izwi zwithu. Lavhelesani zwe A ita!

<sup>109</sup> Lavhelesani zwe A ita, hani uri zwino ri a kona u vhona uri O fulufhedzisa hani tshikhathi tshiñwe na tshiñwe tshiñwe tshithu uri tshi ño itea. Huno ri wanulusa uri zwe itea u fana kokotolo nazwo, zwe A ri U ño zwi ita, ngauri O pfuma kha khathutshelo Yawe, u dzulela u vha na khathutshelo ya u vuledza Ipfi linwe na linwe le A li fulufhedzisa. U khou tea u zwi ita, nahone tshifhinga tshoñthe, u itela u dzula a Mudzimu. Tshifhinga tshoñthe u a ita izwi, Ipfi Lawe li dzulela u vuledzea nga khalañwaha Yalo. Mbeu Yawe ya A i zwala kha lifhasi. O ita mini? O i vheya hafha kha Ipfi, huno heyo ndi mbeu. Huno tshifhinga tshoñthe musi tshikhathi tshi tshi swika, heyo

mbeu i a vhibva, huno zwenezwo tshandululo ya da. Huno O zwi fulufhedzisa, nahone zwi a ita izwo.

<sup>110</sup> Zwino a ri ngo fanelwa nga izwi zwithu. A ri ngo fanelwa nga idzi phaṭhutshedzo dza Mudzimu, ngauri ro tevhelela zwithu zwa shango, ro ya kha u khakha ha Kaini. Kaini, nga u fhaṭa aleṭare ya vhudi na tshivhidzo tsha vhudi, na u vheya maluvha khayo, huno a elekanya uri ndi zwone zwe zwa vha zwi khou ṭodea, “Ho vha hu tshigwada tsha maapula kana mapiere, kana mafurannya, kana tshinwe na tshinwe tshine tsha vha tshone,” tshine khotsi awe na mme vho la tsimuni ya Edeni, tshe tsha vha shakulisa. Huno a nekedza izwo murahu kha Mudzimu, huno Mudzimu a zwi hana.

<sup>111</sup> “Fhedzi Avhele nga lutendo o nekedza kha Mudzimu tshiṭhavhelo tsha khwiqesa u fhira Kaini.”

<sup>112</sup> Huno, namusi, Bivhili i ri kha Yuda, i ri, “Vho gidima nga ndila ya Kaini; vha lovha u hanedza ha Kora.” Ni a vhona, “u gidima kha ndila ya Kaini,” vha tshi fhaṭa dzialetare, vha tshi fhaṭa zwivhidzo, dzidinomineisheni, vha tshi zwi ita zwa maluvha, khulu, mirado minzhi u fhira vhaṇwe; vha tshi dzhia zwithu, tshinwe na tshinwe tshine tsha da nahone tshine tsha thamutshela n̄ha na fhasi, kana u khaḍana zwanda, kana vha lovhedzwaho nga inwe ndila, kana u amba nga ndimi, kana u vhumbuluwa fhasi, vha nwala madzina avho kha bugu. Izwo ndi zwone. Huno vha shundukela Ngoho ya vhukuma yo funzvaho, nahone vha I landula. Zwi ralo hani? Lavhelesani u ṭanganana hune ra vha khaho! Lavhelesani.

<sup>113</sup> Huno Bivhili yo ri, “Huno vho tshimbila nga ndila ya Billamu, nahone vha lovha kha u hanedza ha Kora.” Vho lovha kha u hanedza! U hanedza ha Kora ndi mini? “Ndi ngani, ni elekanya uri ni muthu mukhetwa ni noṭhe? Ndi ngani, Mudzimu u... Roṭhe ri vhakhethwa. Tshivhidzo tshoṭhe tsho luga. Muṇwe na muṇwe... Roṭhe kha ri kuvhangane, hezwo ndi zwone zwine ra khou tea u ita.” Hafho ndi hone he vha lovha, hezwo. Huno zwe ri fanela. Ro fanelwa nga u vha zwezwo.

<sup>114</sup> Fhedzi Mudzimu, o pfumaho khathutshelo, o ri hwihwidza u bva kha u vilingana nahone a ri tendela ra zwi vhona phanda ha musi tshithu tshi tshi swika hafha. U pfuma kha khathutshelo Yawe, nahone a ri rumela mvuseledzo murahu ya phodzo Khethwa, na u vhuya hafhu ha Maanda a Mudzimu. U ya nga qivhazwakale, a hu athu u vha na mvuseledzo ine yo no fhedza u fhira miṇwaha miraru. Heyi mvuseledzo yo bvela phanda u ya kha miṇwaha ya fumi-thanu, yo vha mulilo u dugaho, u mona na u mona na shango. Ndi ngani, ngauri zwe ri fanela? Mudzimu, o pfuma kha khathutshelo Yawe, hu si ngauri ri a zwi tama kana ngauri zwe ri fanela, zwavhuđi-vhudži. Itanu elekanya nga zwe ya ita!

<sup>115</sup> Ndi elekanya nga muñwe wa khaladzi dzanu hafha Phoenix, ane vhunzhi ha vhoiñwi ni a mu ñivha, Vho-Hattie Waldrop, vha na pfuko ya mbilu. Huno vho vha kha muduba wa thabelo n̄tha hafha musi Mukomana Moore na n̄ne ri fhano lwa u tou thoma, u ya kha fumi-ñthanu, miñwaha ya fumi-malo yo fhiraho. Nahone o vha a tshi khou fa, nga pfuko ya mbilu, nahone ho tea o no fa kale vhukuma. Fhedzi, Mudzimu, o pfumaho khathutshelo o rumela Maanda Awe khae. Huno O tshidza vhutshilo hawe, nahone u khou tshila ñamusi. Mudzimu o pfumaho khathutshelo!

<sup>116</sup> Congressman Upshaw, muthu muhulwane. Ndi elekanya uri o vha a mphuresidenthe, kana tshinwe tshithu, wa—wa Baphuthisi, Southern Baptist Convention, nga tshinwe tshifhinga, kana muthusi wa phuresidenthe kana tshinwe tshithu. O ita zwoþe. O vha a muthu wa u luga. O ita zwoþe zwine a ñivha uri zwi a itiwa. O ya kha dokotela liñwe na liñwe. A hu na muthu we a vha a tshi kona u mu itela tshinwe tshithu. O vha o vhofhekanywelwa fhasi. Vhashumeli vho mu rabelela. O vha o shelwa ñiromo ya oili kha thoho yawe, ndodzo, ya vhashumeli vho fhambanaho huñwe na huñwe.

<sup>117</sup> Vhuñwe vhusiku, Los Angeles, California, ndi tshi khou ya kha phuluphithi, nda lavhelesa kha dzi wiltshea nnzhi u yela kha kavhili, kararu, kha dzo dzulaho afho, hoþhe n̄tha na fhasi ha dziphasedzhi, murahu na phanda. Huno zwenezwo ho vha ho edela henefho mbete hu na musidzana muñku wa mukhañadi khayo, musidzana muñku wa Munegro, na vhawemme awe vho vha vho dzula tsini hawe. Huno murathu wanga o vha a tshi khou takusa muduba wa thabelo.

<sup>118</sup> Huno ndo vha ndi tshi khou lavhelesa, ndi sa ñivhi uri ho vha hu tshi khou itea mini. Huno nda vhona dokotela, a na mangilasi a gwati la tshibode, a tshi khou ita muaro kha musidzana muñku wa munegro, u itela nyimele ya gulokulo, nahone o holefhala. Huno nda lavhelesa u mona, nda elekanya, “Uyo ñwana u gai?” Ndo vha ndi sa koni u mu vhona.

<sup>119</sup> Hu si kale, ndilani fhasi henefho, hu si na fulufhelo, musidzana a funeaho muñku wa miñwaha i yelaho kha sumbe kana malo, u holefhala lwa vhutshilo hawe hoþhe. Huno henefho ho vha hu na mme awe fhasi afho vha magonani, vha tshi khou rabela. Zwenezwo nda ri, “Hoyu dokotela o ita muaro kha musidzana wau muñku,” nahone nda ñalutshedza.

A ri, “Izwo ndi zwone, muñke wanga.”

<sup>120</sup> Zwenezwo a lingedza u disa lushie kha puñatifomo. Vho mu vhudza uri a so ngo zwi ita. Vho lingedza u mu imisa. Nga tshifhinga tshe vha mu imisa, nda elekanya, “Zwo luga, ri ño wana tshikhala tsha u mu rabelela.” Nga miniti i si gathi... Khañwe vhathu hafha vho vha vha hone vhula vhusiku.

<sup>121</sup> Huno ndo vha ndi tshi khou lavhelesa kha vhathetshelesi, ndo vhona houla musidzana mučuku a tshi khou tsela fhasi, zwi tshi vhonala vhunga nga kha—kha ndila thukhu tsekene, na tshipopi kha tshanda tshawe, a tshi khou tambisa itsho tshipopi. Hu si na ndavha uri dokotela o ri u khou ya u holefhala lwa vhutshilo hawe hothe; Mudzimu, o pfuma khathutshelo, o rumela Muya Mukhethwa fhasi, nga bono, nahone uyo musidzana mučuku a takuwa afho, huno ene na mme awe vha farana nga zwanda nahone vha tshimbila nga kha iyo phatshisi, vha tshi renda Mudzimu.

<sup>122</sup> Murahu fhala ho dzula mukalaha, Congressman Upshaw, vhunzhi ha vhoiñwi ni a divha vhučanzi hawe. O vha muthu wa u luga, o lingeda vhutshilo hawe hothe, miňwaha ya furathirathi a sa koni kha wilitshea yawe, a tshi tou iswa mmbeteni; makobodo a fhasi ha zwanda zwawe, ane o tshimbila ngao, a sa tsha tea u tshimbila lwo doweleaho. Huno afho o dzula henefho, u khou lavhelesa kha izwo. Nga u tou ḥavhanya, ndo lavhelesa nahone nda vhona bono. Afha u ya da, a tshi khou tshimbila phanda ha vha thetshesi, a tshi khou kwatamisa ḥoho yawe, a tshi kona u tshimbila zwavhudí sa muňwe na muňwe. A tho ngo divha uri muthu ho vha hu nnyi.

<sup>123</sup> Nda ri, “Hu na munna muhulu o dzulaho murahu afho. O wa kha gariki musi a tshe mutukana mučuku, kha muhangwa mačanga, huno a vhaisala mučana wawe. Vho gwa mabuli fhasi, u itela u fara u dzinginya, musi vhathu vha tshi tshimbila, kha u mu rwa kha mučana wawe.” Nda ri, “O da a vha munna muhulwane, nahone u isa phanda na u aluwa zwihiulu. O dzula kha gulungwa lihulu kha Ndú Tshena.”

<sup>124</sup> Huno zwenezwo hoyu munna a da a mmbudza, a ri, “Hoyo ndi Congressman Upshaw. Naa no no vhuya na mu pfa?”

Nda ri, “A thi athu vhuya nda pfa nga hae.”

<sup>125</sup> Huno ngauralo a kokodza kokodza thaimbo ya khudzaipfi murahu afho nahone vho vha tshi khou amba, murahu na phanda.

<sup>126</sup> Zwenezwo nda thoma u lavhelesa u mona, nahone nda vhona Congressman wa mukalaha a tshi khou da, a tshi khou da o livhana na nne, kha bono, o fhelela nahone o dzudzanye u ya nga hune a nga vha nga ho. Mudzimu, o pfuma khathutshelo, o mu kokodza u bva kha ila wilitshea, nahone a tshimbila a si na makobodo u swika ḫuvha le a lovha. Mudzimu o pfuma khathutshelo! Musi madokotela o kundelwa, musi saintsyo kundelwa, musi tshinwe na tshinwevhō tsho kundelwa, Mudzimu o vha o pfuma khathutshelo kha Congressman Upshaw.

<sup>127</sup> Ndi elekanya nga nne muñe. Sa mutukana wa kale mučuku, ndi a elelwa sa... Vhathu vha mmbidza ḥamus, “mu vhengi wa vhasadzi.” Mbuno ho vha hu, ndi ngauri ndo vhoneza vhuadá

vhunzhi kha vhasadzi musi ndi tshe የwana. Ndo vha vhenga. Huno a thi iti izwo zwino, ngauri ndi a zwi ደivha uri hu na vhañwe vha vhudi. Fhedzi ndi a elelwa uri zwe vha zwe vhifha hani, vhuada vhunzhi. Huno nda elekanya, “Nne nne, a—a thi nga vhuyi nda vha u mona hune vhathu vha vha hone. A thi na pfunzo, ngauralo a thi nga wani iñwe.”

<sup>128</sup> Huno የwana muhulwane zwiñku o dzulaho afho, a so ngo ambara na tshikiphä, na dzhasi ልanga ዥ gunubedzwa sa *izwi*, na haka, huno እi tshi khou fhisa vhukuma. Huno mudededzi a ri, “William, a ni pfi u swa no ambara እlo dzhasi?”

<sup>129</sup> Nda ri, “Hai, mme, ndi khou pfa ndi tshi rotholaho zwiñku.” Huno a nnyita uri ndi ye kha tshiñfu nahone a vheya dziñwe khuni kha tshiñfu, huno ndo ታđa u swa. Huno ndo—ndo vha ndi si na tshikiphä kha iyo khalanwaha yothe.

<sup>130</sup> Huno nda elekanya, “Arali nda vhuya nda wana tshelede, tshiñwe tshifhinga uri ndi wane ተkhu, u nngwanelia tshigidi tsha furaru-furaru,” Ndo vha ndi tshi nga ደa hafha Vhukovhela nahone nda tshila nnđa hafha huno nda zwima, lwa vhutshilo hanga hothe. Ndo vha ndi sa todì tshithu nga vhathu. U sokou ተtshela kule, ngauri vho vha vha sa ntakaleli, huno—huno ndi ደo sokou ተtshela kule khavho.

<sup>131</sup> Huno zwenezwo tshifhinga tshothe ndo vha ndi tshi ya fhasi doroboni, ndi sa ambi na muthu, vhañwe vhathu tshiñarañani, ndo vha ndi tshi vha ደivha. Ndo vha ndi tshi ri, “Huita hani afho, John, Jim! Hu tou ita hani?”

“Oo, huita hani.”

<sup>132</sup> Ni a vhona, vho vha vha sa ታđi u amba na nñe, vho vha vha sa ntodì na luthihi, nga nthani ha khotsi anga na avho vhane vha ita halwa. Huno a—a tho ngo ita izwo. Ho vha hu si zwe nda ita. Huno ndo vha ndi tshi ደo vha holwo lushaka.

<sup>133</sup> Fhedzi zwino ndo ri kha mufumakadzi wanga, a si kale, “Luvhondo lwanga lwo hulungwa nga zwigidi zwa khwiñe zwine zwi nga rengiwa.” Oo, nahone ndi elekanya nga izwo zwiñambaro zwa tshika. Madekwana a ñamusi ndi na suthu mbili kana tharу dzavhudì. Huno a hu na khonani? Ndi tea u dzumbamba sogani, uri ndi shavhane na vhathu. Thaidzo ndi mini, naa ndi nga mbonalo yanga, naa ndi nga pfunzo yanga? Hai. Mudzimu, o pfuma khathutshelo, o mmbona ndi kha ilà nyimele huno A ntshidza.

<sup>134</sup> Ndi elelwa musi ndi tshi khou rangiwa phanda nga tshanda, sa muthu o populaho. Ndo vha ndi sa koni u vhona. Tshiñwe na tshiñwe phanda hanga tsho vha tshi sa vhonalì; ndo vha ndi tshi ደo vha ndi bofu lwa vhutshilo hanga hothe. Fhedzi Mudzimu, o pfuma khathutshelo, o vhuedzedza murahu u vhona hanga. Ndi na miñwaha ya futhanu-ñthanu, nahone ndi kha di kona u vhona

zwavhudzi. Mudzimu, o pfuma khathutshelo, ndi tshone tshithu tshi tshothe tshine ndi nga amba.

<sup>135</sup> Tshivhidzo tsho vhuya tsha vha tshi si na ndila yo bveledzwaho ya phodzo. Vha na nayo, fhedzi vho i landula. Fhedzi Mudzimu, o pfuma khathutshelo, o vha rumela mpho ya phodzo Khethwa. Hoyo ndi Muya Mukhethwa vhukati hashu, u tshi khou khwathisedza Ipfi nga zwiga zwi tshi tevhela. Mudzimu o pfumaho khathutshelo!

<sup>136</sup> Ndi na masiāari mavhili kana mararu hafha a hedzi notsi, fhedzi a thi khou ya u lingedza u dzhena khazwo, ngauri ndi—ndi na a limuwa uri ndi tshifhinga tsha u thoma muduba wa thabelo. Fhedzi Mudzimu o pfuma kha khathutshelo Yawe!

<sup>137</sup> Vhunzhi ha vhoiñwi hafha madekwana a namusi, madokotela o ni landula. Hu na vhathu vho dzulaho kha idzo wilitshea, zwi nga itea vha si tsha bva henefho. Vha afho lwa u dzula. Vhañwe vhavho, vho holefhala nga ndila dzo fhambanaho, vha (na luthihi) nga si kone u bva, a hu na ndila ya uri vha bve. Fhedzi Mudzimu, o pfuma kha khathutshelo Yawe, o bveledza tshipfumelelo. Ni so ngo tshi landula. Tshi tanganedzeni. Hu na vhanna nn̄da afho vha na thaidzo ya mbilu, hu na vhathu vha na pfuko, dzine madokotela a hu na zwine vha nga ita ngazwo. A ni na fulufhelo, a ni na thuso, kha lino shango.

<sup>138</sup> Fhedzi Mudzimu, o pfuma kha khathutshelo Yawe, o rumela phasi Muya Mukhethwa, nahone u hone hafha zwino u rwela ḥari Ipfi, u sumbedza uri Ha shanduki mulovha, ḥamusni, na lini na lini. Ngauri zwo ri fanela? Ngauri Mudzimu o pfuma kha khathutshelo Yawe! Amen. Zwino hoyo ndi Ene, hoyo ndi Muthu, Ndi uña Murena Yesu. Ha ngo fa, fhedzi O vuwa vhafuni, nahone U a tshila u ya nga hu sa fhelis.

<sup>139</sup> Ha shanduki mulovha, ḥamusni, na lini na lini, u kha di vha o pfuma kha khathutshelo Yawe sa zwe A vha a zwone kha musadzi we a vha a na thaidzo ya malofha. Huno a thoma nga kha mavhuthu. Ho vha hu si na fulufhelo khae, madokotela o ita zwe the zwe a vha a tshi kona. O vha a na thaidzo ya malofha. O vha a tshi khou fa. Huno a kwama nguvho ya Mulauli. Mudzimu, o pfuma khathutshelo, a rembuluwa nahone a mu vhudza nga nyimele yawe. Huno o vha o fhodzwa kha heyi thaidzo ya malofha.

<sup>140</sup> Thukhu, phombwe yo tshikafhalaho yo ya n̄tha tshisimani liñwe duvha, u wana mađi-nyana. Hu si na fulufhelo. O vha o pandelwa kha vhasidzana vha zwipofu, u mona na vhathu, vhutshilo haweho vha hu si ha vhudi. Huno a elekanya, “Ndi u didinelani nga u lingedza? Ndo raelwa kule, a hu na tshithu tsho ntsalelaho.” Fhedzi a lavhelesa, o imaho nga thungo, kana o dzulaho nga thungo ya tshisima, huno ho vha hu na Munna o

dzulaho heneho We a mu vhudza zwithu zweithe zwe a vhuya a ita, Mudzimu o pfuma kha khathutshelo Yawe.

<sup>141</sup> Ula Mudzimu muthihi, madekwana a namusi, u kha di vha o pfuma kha khathutshelo Yawe, nahone u fana na zwe A vha a zwone kha ala maquvha. Lupfumo lwa Mudzimu. [A hu na tshithu kha theiphi—Mudz.]

<sup>142</sup> Ndi elekanya uri ri na garaña dza thabelo dza madana mayhili nnda hafha, kana dze ra dzi vhidzelela nga madana mayhili. Ri khou ya u vha vhidzelela nahone ra litsha vhathu vha tshi dubekana. Ri khou ya u vha rabelela.

<sup>143</sup> Fhedzi phanđa ha musi ri tshi zwi ita, arali hu na vhaswa vho qaho hafha, u ḥutshela kule na vhurereli hothe. Hovhu a si vhurereli. Ndi u vhonadzwa ha pfulufhedziso ya Mudzimu. Zwi bva kha zwine na khou lavhelesa zwone. A hu na maanda kha muthu na muthihi. A hu na maanda kha muthu. Fhedzi riñe sa vhatendi ri na ndugelo; hu si maandža, fhedzi ndugelo.

<sup>144</sup> Muñwe muthu o mmbudzisa, hu si kale, a ri, “Mukomana Branham, u ya tenda uri u na maanda a u ita izwi?”

<sup>145</sup> Nda ri, “A thi na maanda, na luthihi, fhedzi ndi na ndugelo.” Mutendi muñwe na muñwe u nayo. Arali na i hana, ni do dzula hune na vha hone. Fhedzi arali na nga i ḥanganedza, i do ita zwi fhirisaho nga vhudalo, ngauri Mudzimu o pfuma kha khathutshelo Yawe.

<sup>146</sup> Dzhiani pholisa lituku lo imaho nnda hafha tshiṭaraṭani, zwiambaro zwave zwe nembelela lwa hafu khae, o onda vhukuma. Gebisi i na nđevhe dzo kokodzelwa nnda. Huno a tshimbila nnda hafho hune dzigoloi dzi khou gidima na tshiṭaraṭa, nga maela dza fuṭhanu nga awara, i na maanda a bere dza madana mararu. Ha na maanda a u imisa basigira. Izwo ndi zwone. Fhedzi mu litsheni a lidze itsho tshiṭiriri nahone a imise tshanda, huno ni vhone biriki dzi tshi tzhemba. Ha na maanda, fhedzi u na ndugelo. Dorobo yothe i murahu hawé.

<sup>147</sup> Huno musi munna kana musadzi, a thi na ndavha uri ni kha nyimele-de, ni na ndugelo ya Mudzimu, nga pfulufhedziso, ngauri O pfuma nahone o fulufhedzisa u ita zwifhiraho nga vhudalo. “Arali na ri kha iyi thavha, ‘sudzuluwai,’ huno ni sa timatime mbiluni yañu, fhedzi na tenda uri zwe na amba zwi do itea, ni nga vha na zwe na humbela.” A ni na maanda, fhedzi ni na ndugelo.

<sup>148</sup> Elelwani musi A tshi mmbudza murahu ngei, a ri, “U do kona u dzumbulula zwiphiri zwa dzimbili.” Ngauri Ene... Ni a elelwa izwo, vhusnzi ha vho inwi vhathu vha Phoenix? O zwi fulufhedzisa. Zwine A fulufhedzisa, U a zwi ita.

<sup>149</sup> Zwino hu na vhañwe vha vho inwi hafha vha si na garaña dza thabelo, huno a hu na thamathimo. Ndi vha ngana vho no khou lwala nahone vha si na garaña dza thabelo, imisani zwanda

zwaṇu? Zwo tou ralo. Zwothe zwe luga. Arali ni tshi khou ḍoda u divha, hu si ndugelo... hu si maanda, fhedzi ndugelo ya Ipfi, “Zwithu zwine Nda ita, na inwi ni ḍo ita-vho.”

<sup>150</sup> Yesu o fulufhedzisa, kha Luka 17:30, uri phanda ha u Vhuya Hawe, zwi ḍo nga tshifhinga tsha Mushe... kana Noaxe, “Musi vha tshi khou u la na u nwa, nahone vho nekedzwa kha mbingano; huno vha si ḋivhe u swika duvha le Noaxe a dzhena gungwani.” O ri hu ḍo vha na itsho tshifhinga. Zwenezwo O dovha a ri, “Vhunga zwe vha hone mađuvhani a Loto,” huno a ri, “hezwi zwi ḍo itea nga duvha musi Murwa wa muthu a tshi ḍo dzumbululwa, musi Murwa wa muthu a tshi dzumbululwa mađufhani a u fhedza.”

<sup>151</sup> Zwino lavhelesani zwine A, uri Murwa wa muthu o Didzumbulula hani kha muthu wa hoyu Muruṇwa, we a vha a Murwa wa muthu. Zwo tou ralo. Abrahamu o Mu vhidza, “Elohim.” O vha a Murwa wa muthu, o Didzumbulula phanda ha musi shango la Vhannḍa li sa athu fhiswa. O zwi itisa hani? Kha mutendi. Kha a diitaho mutendi, O rumela vhareri vhavhili fhasi uri vha rere khavho. Fhedzi kha mutendi wa vhukuma, O ima na muṭana Wawe kha dennde, huno A ri, “Abrahamu.” O vha a Abramu nga duvha... phanda ha mađuvha maṭuku, a izwo. Fhedzi zwino u Abrahamu. “U gai mufumakadzi wau, Sara?”

<sup>152</sup> A ri, “U ngomu denndeni, murahu Hau.”

<sup>153</sup> A ri, “Ndi khou ya u vhulunga pfulufhedziso Yangka kha iwe. Ndi khou ya u u dalela.”

<sup>154</sup> Oo, Abrahamu o vha a na miṇwaha ya ḫana, huno Sara o vha a na ya fuṭahe; fhedzi Mudzimu, o pfuma khathutshelo, o vhulunga pfulufhedziso Yawe. Zwo bveledza lushie, ngauri Mudzimu ndi wa u khathutshela, nahone Ene o dala khathutshelo. O pfuma khathutshelo. U a vhulunga pfulufhedziso Yawe.

<sup>155</sup> Lavhelesani, muṭana Wawe wo furalela dennde, Sara a sea nahone a ri, “Izwi zwithu zwi nga ralo hani? Ndo kegula. Ndi nga ditakadza hani na munna wanga, sa musadzi muṭuku o maliwaho? Ndi ngani, u na miṇwaha ya ḫana. Vhuledzani ha muṭa washu ho fhela, minzhi, miṇwaha minzhi yo fhiralo. Izwi zwi nga ralo hani?” Huno a sea ngazwo.

<sup>156</sup> Huno Muruṇwa a na... Murwa wa muthu na muṭana Wawe wo furalela kha—kha dennde, a ri, “Ndi ngani Sara o sea, a ri, ‘Izwi zwithu zwi nga ralo hani?’”

<sup>157</sup> Ho vha hu mini? Yesu o ri, kha Luka Mukhethwa 17:30, uri, “Mađuvhani a nga ho mađuvha a Loto,” nyimele nthihi, phanda ha musi shango la Vhannḍa li tshi fhiswa, O ri, “Murwa wa muthu u ḍo Didzumbulula nga ilo duvha.” O ita pfulufhedziso, yone Maliaxe 4 yo ri fulufhedzisa urī zwi ḍo ralo. Mulaedza u ḍo bvelela une wa ḍo vhuyedzedza vhathu murahu kha Mulaedza

wa Pentekostala, na phathutshedzo nthihi dze vha vha nadzo nga duvha la... Zwi tou vha mini? Ndi goni la phapha mbili, dzothe Thestamennde Ntswa na ya Kale, li tshi khou tshimbidza pfulufhedziso dzalo dzothe, dza Mudzimu, u vuledza zwine pfulufhedziso dza Bihili ya amba u ri li do ita. Amen.

<sup>158</sup> Mudzimu, o pfuma khathutshelo, a nga si litshe vhathu Vhawe vha tshi ya nn̄da kha haya maitele a dinomineisheni, “u pfuma kha thundu na zwithu zwa shango,” Tshikhathi tsha Tshivhidzo tsha Laodekia, fhedzi U do ita ndila ya u ponya. Zwi tendeni, vhathu. Mudzimu a ni fhaṭutshedze. Amen. Mudzimu o pfumaho khathutshelo! Dzikhathutshelo dza Mudzimu, hetsho ndi tshone tshithu tshi tshothe tshire nda tshi tama. Hu si u luga Hawe, hu si mulayo Wawe; fhedzi khathutshelo Yawe ndi yone ine nda i vhidzelela. Mudzimu i vha na khathutshelo kha nne. Rothe ri na hetsho tshipfi.

<sup>159</sup> Ndo vha ndi tshi khou lavhelesa. Hu na musadzi mutuku o dzulaho nn̄da hafha magumoni a tshidulo. Naa ni na garaṭa ya thabelo nn̄da afho, mufumakadzi? A ni na. Irani ndi ni sumbedze uri Mudzimu o pfuma khathutshelo. Wo vha u na mazhuluzhulu vhukuma hafha hu si kale, kani a u ngo ralo? Zwo vhifha zwavhukuma, nahone maṭo a u o nana. Izwo a si zwone? Izwo ndi zwone. Zwino vha khou ya u shandukisa. Mudzimu, o pfuma kha khathutshelo Yawe, nga u ni humbela arali ni tshi do tenda izwi. Zwino a u na garaṭa ya thabelo, a u na tshithu; fhedzi a u i ḥodi. Ni a vhona, ndi tshilidzi tsho ḥetshedzwaho iwe.

<sup>160</sup> Afho ho dzula ḥthama ḥthukhu o dzulaho afho phanda, a na lushaka lwa... o dzulaho nn̄da afha. U khou tambula nga nyaluwo kha muvhili wawe. Yo ḥzhena hu si kale heneffo, hu si kale. Izwo a si zwone, muṇe wanga? Hezwo ndi zwone. A u ḥivhi uri ndi mini. U khou i ofha. Izwo ndi zwone. Yo vhangwa nga u rwiwa, kani a zwi ngo ralo? U na garaṭa ya thabelo? A u na garaṭa ya thabelo. A u ḥodi na nthihi. Mudzimu o pfuma kha khathutshelo Yawe!

<sup>161</sup> Oo, murathu, khaladzi, tendani Mudzimu! Ni so ngo Mu timatima. Mu tendeni! Izwo ndi zwone.

<sup>162</sup> Afha ho dzula munna, na suthu ya girei, o ambara na mangilasi. Lavhelesai hafha, muṇe wanga. Ni a tenda? Mudzimu o pfuma kha khathutshelo Yawe. No dzula heneffo na u punduwa. Naa ni a tenda uri Mudzimu a nga fhodza iyo punduwa nahone a u fhodza? O dzulaho afha magumoni a tshidulo, o lavhelesa kha nne. Arali wa nga tenda uri Mudzimu a nga fhodza iyo uho u punduwa, Mudzimu u do ita izwo kha iwe arali wa zwi ḥanganedza. Naa u ya zwi tenda? Naa u do zwi ḥanganedza? Zwothe zwe luga. U nga vha nazwo arali wa nga tou zwi tenda, i vha na khathutshelo. Ee, muṇe wanga.

<sup>163</sup> Afha ndi mufumakadzi o dzulaho afha, u khou tambula nga tsukanyo i kundewaho muvhilini wawe. Fhedzi arali a tenda,

Mudzimu u do mu fhodza, arali a zwi tenda. Ndi a tenda u khou ya u zwi t̄uvha, zwi na vhučanzi sa tshinwe na tshinwe. I vha na khathutshelo, ndi thabelo yanga. Ndi a kona u vhona zwičukutku musadzi... Vho-Riley, naa u ya tenda uri Mudzimu a nga fhodza iyo tsukanyo i no khou kundelwa? Arali ni tshi funa, zwi t̄anganedzeni! Amen. Itanu tenda. Mudzimu ndi wavhuđi, kani Ha ngo ralo, Stella? Ee. Izwo ndi zwone. A thi athu u vhuya nda vhona uyo musadzi vhutshiloni hanga. Fhedzi, Mudzimu, kha khathutshelo Yawe!

<sup>164</sup> Afha ho dzula muňwe musadzi, o dzula murahu-rahu murahu ha afho, murahu-rahu, o lavhelesa kha nne. O, nae-vho, u na tsukanyo i no khou kondelwa, nae-vho. O vha a khou elekanya ngazwo zwenezwo. A thi athu u vhuya nda vhona uyo musadzi vhutshiloni hanga. Nga uri hoyu muňwe musadzi u na tshithu tshithihi, lavhelesani kha nne. Naa ni a nntenda uri ndi muporofita wa Mudzimu, kana mulanda Wawe? Na iwe u na thaidzo ya mbilu. Arali izwo zwi zwone, imisa tshanda tshau. A u na yo zwino. Mudzimu, o pfuma kha khathutshelo Yawe, u khou sumbedza uri U a tshila fhano kha tshifhađo madekwana a namusi. Mudzimu o pfuma kha khathutshelo Yawe! Amen.

<sup>165</sup> Naa hu nga vha, ndi vha nga na vhaftazwivhi na vho humelaho murahu vhane vha do ima nga milenzhe yanu, huno na ri, "Mudzimu, o pfuma kha khathutshelo Yawe, i vha na khathutshelo kha nne"? Imani nga milenzhe yanu. Ndi do ni rabelela, arali na tenda uri U khou ḥoda...ni khou ḥoda khathutshelo zwino. Mudzimu a ni fhačutshedze. Mudzimu a ni fhačutshedze. Mudzimu a ni fhačutshedze, inwi. Vho humelaho murahu, imani nga milenzhe yanu. Mudzimu o pfuma kha khathutshelo Yawe! Naa ni—ni...

<sup>166</sup> Zwavhukuma a ni ngo oma nga maanda, kha ino nyimele, lune a ni koni u vhona uri heyo ndi pfulufhedziso nthihi ya awara. Zwavhukuma a ni ngo putelwa nga maanda kha dinomineisheni, na zwiňwe zwithu, lune ni nga si kone u vhona uri heyi ndi pfulufhedziso ya awara, Mudzimu o pfumaho khathutsheo.

<sup>167</sup> Ni nga vha ni nnyi kana nnyi, vhe na ima, ndi khou ya u rabela nga miniti u tevhelaho. Ndi khou ni ḥoda ni tshi ya kha zwiňwe zwivhidzo zwa Mafhungo madifha o fhelelaho huno—huno ni—huno ni lovhedzwe nga ndovhedzo ya Tshikriste, Mudzimu a ni fha Muya Mukhethwa.

<sup>168</sup> Naa hu na muňwe ane a do ima nga milenzhe yawe, huno a ri, "Nne, ndi khou ḥoda u elelwa. Mudzimu, kha khathutshelo Yau, elelwa nne. A tho ngo tshila sa zwine nda tea u zwi ita. Khaňwe..."? Mudzimu a ni fhačutshedze, mufumakadzi. Huno Mudzimu a ni fhačutshedze. Mudzimu a ni fhačutshedze. Mudzimu a ni fhačutshedze. Mudzimu a ni fhačutshedze. Izwo ndi zwone. "Mudzimu, o pfuma kha khathutshelo Yawe, i vha na

khathutshelo kha nne.” Mudzimu a ni fhaṭutshedze, khaladzi. Naa u hone . . .

<sup>169</sup> Ndi vha ngana vhańwe vha re ngomu afha, vhane vha ri, “Ndi do ima. Ndi khou ḥoda Mudzimu a tshi zwi divha uri ndi khou ḥoda khathutshelo. A tho ngo tshila zwone. Ndo tshila nga *heyi* ndila na *iļa* ndila. Ndo tsa ndi tshi gonya, fhedzi ndi khou ḥoda khathutshelo Yawe.” Mudzimu a ni fhaṭutshedze, murathu. Muńwe-vho, kha ri, “Mudzimu o pfuma kha khathutshelo Yawe!” Mudzimu a ni fhaṭutshedze, khaladzi. Mudzimu a ni fhaṭutshedze, khaladzi. Izwo ndi zwone. Mudzimu o pfuma kha khathutshelo Yawe! Mudzimu a ni fhaṭutshedze, na inwi-vho. Mudzimu a ni fhaṭutshedze murahu afho. Mudzimu a ni fhaṭutshedze. Imani nga milenzhe yanu.

<sup>170</sup> Ni ri, “Zwi a vhuya zwa ḥisa zwińwe zwivhuya, Mukomana Branham?” Zwo ralo. Imani huno ni fhone uri ndi phambano nngafhani.

<sup>171</sup> Arali ni na vhungoho zwavhukuma mbiluni yanu, Mudzimu o pfuma kha khathutshelo. “Ha zwi funi uri vhańwe vha lovhe, fhedzi uri vhoṭhe vha de kha u shanduka.” Mudzimu o pfuma kha khathutshelo Yawe! O Mudzimu, i vha na khathutshelo kha rińe.

<sup>172</sup> Zwino ndi vha ngana ngomu afha zwino, vho faraho idzo garaṭa dza thabelo? Dzo vha dzi dzifhio? Dzi A na dzi B, dzo vha dzi so ngo ralo? Dzi A na dzi B. Vhatu vhoṭhe vha na garaṭa ya thabelo ya dzi A, imelani kha *heyi* thungo, huno vha garaṭa ya thabelo B vha do ima murahu havho.

<sup>173</sup> Ndi a kanakana arali hu na vhańwe vhashumeli hafha vhane vha do tama u dzhenelela kha u thusa nne. Arali vha hone, ndi do tama ni tshi ḥa ngeno n̄ha, ndi do takala u vha na yanu—yanu thuso hafha, ngauri ri do takalela u rabela, huno u rabela—u rabela na inwi.

<sup>174</sup> Heyi, Bivhili yo ri, “Hezwi zwiga zwi do tevhela avho vhane vha tenda.” Ee, muńe wanga. “Dzinani Łanga vha do pandela vho diabolo, vha do amba nga ndimi ntswa.” Naa ro zwi ita? Nga tshilidzi tsha Mudzimu; hu si rine, fhedzi Mudzimu o pfumaho khathutshelo kha u vhulunga Ipfi Ławe. Mudzimu!

<sup>175</sup> Zwino, dzi wilitshea, arali ni tshi khou ḥoda u dzi vheya fhasi hafha phanda; ri do vha rabelela heneffo, a ni nga tei u tou dzi kokodza u ya n̄ha nga kha hafha, dziphasedzhi dzoṭhe heneffo. Litshani, zweṭhe zwo luga, vha litsheni vha de n̄ha hafha. Ri do zwi rabelela, muńwe na muńwe washu. Mudzimu o pfuma kha khathutshelo Yawe!

<sup>176</sup> Naa ni do ima kha thungo ya tshanda tshaula zwino, lwa miniti miłuku? Naa Mukomana Brown o ḥa na inwi? [Murathu u ri, “U khou ḥa matshelo”—Mudz.] U khou ḥa matshelo. Ndo—ndo—ndo vha ndi kha fulufhelo uri u do vha a fhano. U gai, u gai Mukomana Outlaw, u gai Mukomana Fuller? Vhańwe vha avho

vhatu vhe vha vha n̄tha hafha na n̄ne musi ndi tshi thoma u da, a ri vhuye murahu. Ni a elelwa miduba ya thabelo wa fesheni dza kale, musi ri tshi dzulela u ima afho u swika ni tshi tou tea u mpfara kha luñwe lurumbu, nahone muñwe kha luñwe, ndo vha ndi tshi ḥeda zwavhukuma?

<sup>177</sup> Ndi vhangana vho no vhuyaho vha vha kha iyo miñangano murahu hangei mathomoni? Lavhelesani hafha. Ni a elelwa murahu ngei, ndo ni vhudza uri Murena Yesu o mmbudza u ri, arali nda vha wa vhungoho, uri hezwi zwithu zwi ḫoitea. Naa izwo ndi zwone? A ri ngo vhuya ra vha na hezwo kha lia ḫuvha. Fhedzi two itea, ngauri Mudzimu o pfuma kha khathutshelo Yawe, na u fulufhedzea kha pfulufhedziso Yawe. Amen! U lingedza u litsha, huno a thi koni. Amen! Thendo kha Mudzimu! Haleluya! “Oo, ndo takala zwavhukuma uri ndi muñwe wavho!” Amen. Oo, n̄ne n̄ne!

Hu na vhatu huñwe na huñwe,  
Vhane mbilu dzavho dzi kha u duga  
Nga Mulilo we wa wa nga Pentakoste,  
We wa vha ḫanzwa nahone wa vha ita vho  
kunaho;  
Oo, u khou duga zwino mbiluni yanga,  
Oo, vhugala kha Dzina Lawe!  
Ndo takala zwa vhukuma ngauri ndi nga kona  
u amba uri ndi muñwe wavho.

<sup>178</sup> Oo, n̄ne, muvhi, a shonisaho, muvhi o pofudzwaho a ḫungufhadzaho, sa zwe nda vha ndi zwone; huno zwino nga khathutshelo Yawe, khathutshelo Yawe yo pfumaho, ndi a kona u vhona Muvhuso wa Mudzimu nga mañ̄o. Amen. Ndayo Dzawe dzo naka hani!

<sup>179</sup> Itanu tou ima, murathu wanga, kha makobodo añu. Arali ni nga si kone u ima, zwe the zwo luga, imani henefha, ri ḫo da henefho fhasi nahone ra ni rabelela.

<sup>180</sup> Huno zwino litshani dzi A na dzi B, dza garaña dza thabelo, dzi dubekane kha inwe thungo hafho, nahone ri khou ya u vha rabelela.

<sup>181</sup> Vharathu vha vhashumeli, no tou ralo, arali ni tshi tenda kha u vheya zwanda kha vhalwadze, idani hafha nahone ni ime na n̄ne kha heyi puñatifomo. Ri khou ya u rabelela vhalwadze.

<sup>182</sup> Zwino kha vhoiñwi vhatu vhane no ima kha uyo muduba, arali na nga tenda uri Vhuhone ha Mudzimu vhu fhano, uri Muya Mukhethwa u vhukati hashu zwino, u tshi khou ita kokotolo zwe Ene a ri U ḫo ita. Arali ndo vha ndi na maanda a u ni fhodza, ndo vha ndi tshi do zwi ita. Arali ndo vha ndi na inwe ndila ya u ni fhodza, ndo vha ndi tshi ḫo zwi ita. A thi na yo. Ndi... Mudzimu o nea mpho ḫukhu.

<sup>183</sup> A thi mureri nga maanda. A thi na pfunzo yo edanaho u vhidzwa mureri, ane a vhidzwa mureri kha ano maduvha, musi tshone—musi tshone tshenzhemo tshi tshi tea u vha tshenzhemo tsha thiolodzhi, nahone tshi tea u vha na iñwe digirii ya dokotela, na zwiñwe. Ndi nga si swikelele izwo. Fhedzi Mudzimu, nga u vhona mbilu yanga, na u divha uri ndi khou ḥoda u Mu itela tshiñwe tshithu, ndi khou ḥoda u zwi livhuwa.

<sup>184</sup> Munna o ri kha nne liñwe dñvha, o ri, “Ndi elekanya uri u munna wa u luga, Vho Branham, fhedzi ndi tenda uri u khou khakha u kha vhungoho. U nn̄da ha lufuno. Naa ni a divha uri ni do ḥatulwa vhufheloni?”

<sup>185</sup> Huno nda ri, “Lavhelesa, ndi khou ḥoda u u vhudza tshiñwe tshithu. Ndi khou ya u amba uri u—uri u do vha u khou amba zwone, u tou itela thaidzo ya u ḥata. Arali ndi khou khakha, zwine a—a thi tendi u ri ndi khou ralo; fhedzi arali ndo vha ndi tshi khou khakha, nahone nda divha zwino uri ndi khou ya u tshila u swika kha miñwaha ya dana, na uri O vha a tshi khou ya u nkhañula magumoni a ndila, huno a mmbudza, ‘A u fanelwi nga u da kha Liñadulu Langa, William Branham. Iya kha swiswi la nn̄da.’ Ni a divha uri mini? Ndo vha ndi tshi do Mu shumela dñvha liñwe na liñwe la vhutshilo hanga u swika ndi tshi ḥuwa, zwi si na ndavha. Ngauri ndo ḥanganedza dziphañtutshedzo Dzawe nnzhi dzi sa mpfaneli, uri U a fhira vhutshilo kha nne. U tshiñwe na tshiñwe tshine nda . . .”

<sup>186</sup> Zwothe zwine nda vha zwone, zweithe zwine ndi nga vhuya nda fulufhela uri ndi nga vha zwone, ndo zwi wana kha tshilidzi na khathutshelo Yawe. Ndo vha ndi muvhi, ndi tshi shonisa, ndi tshi ḥungufhadza, ndo pofula; fhedzi nga tshilidzi O mphodza, huno ndo khwañhela nahone ndi na mutakalo, nga tshilidzi tsha Mudzimu. Ndi a vhona zwavhuđi. Ndo la, ndo n̄wa, ndi na tshinwe na tshiñwe tshe nda tshi ḥoda. Ho ngo vhuya a fulufhedzisa u bveledza zwi si zwa ndeme zwanga; ḥodea dzanga.

<sup>187</sup> Huno arali nda pandelwa nga ilo dñvha, nahone nda divha . . . ndi nga si vhone hune nda do vha ndi hone. Fhedzi arali ndo divha uri ndo vha ndo khakha, nahone Mudzimu o nn̄anga uri ndi khakhe, ndi do ḥoda u dzula ndi wa u khakha, nahone ngauri ndi khou ḥoda u ita lufuno Lwawe. Ndi, ndi a Mu funa u swika hune ndi khou ḥoda lufuno Lwawe lu tshi itiwa. Zwino, hetsho ndi tshitatamennde tshihulwane, fhedzi ndi a fulufhela ni do tshi wana kha ndila, ya muya we nda tshi amba ndi khawo. Ni a vhona, ndi khou ḥoda u ita lufuno Lwawe. Ndo Mu humbela tshiñwe tshithu tshiñwe tshifhinga, A dzungudza ḥohoh Yawe “hai,” nda takala zwiñhulu nga hezwo u tou fana na zwine ndi nga ita arali O ri “Ee.” Ngauri, ri tea dzulela u humbela, “Lufuno Lwau kha lu itwe.” Dzi-hai Dzawe dzi tou fana na . . . arali izwo hu lufuno Lwawe, hezwo zwi tou vha . . . Zwi khwinę

zwavhukuma u fhira dici-ee Dzawe, arali zwi lufuno Lwawe u zwi ita. Hafho ndi musi ni tshi Mu funa zwavhukuma. Amen.

<sup>188</sup> Nda swika kha u amba nga Hae, a thi koni u ima. Oo, Ndi wa vhukuma, ndi wa vhukuma kha nne! Dzikhonani, U—U zweithe zwine nda vha zwone, zweithe zwine ndi nga vhuya nda vha zwone, zweithe zwe nda vhuya nda lavhelela u vha zwone, zwevhewa mutheo kha Yesu Kristo, Ipfī Lawe.

<sup>189</sup> Ndi khou livhuwa madekwana a ɔnamusi nga vhutanzhi ha Muya Mukhehwa, nga Mulaedza. Ndi a divha uri zwi nga vha, vhañwe vha nga hanedzana Nazwo, fhedzi sa musi ndo ni vhudza, ndo vhofhea na Mulaedza. Tshiga tsho itea, nahone Mudzimu ha rumeli tshiga tsha u sokou sumbedza uri U Mudzimu. Mulaedza, Ipfī li dzuela u tevhela tshiga. Muñwe na muñwe u a divha izwo.

<sup>190</sup> Yesu o ða na zwiga na vhutolo. O vha a Muthu muhulu musi A tshi khou ita zwiga na vhutolo, fhedzi musi A tshi thoma u dzula phasi na u thoma u disa Mulaedza, “Nne na Khotsi Anga ri vhatihii,” oo, nne nne, hezwo zwo vha zwo khakhea khavho. Ni a vhona? Fhedzi Ipfī li tea u tevhela tshiga.

<sup>191</sup> Mushe o ɔnewa zwiga zwivhili, nahone tshiga tshiñwe na tshiñwe tsho vha tshi na ipfi. Izwo ndi zwone. Ndo rera nga hazwo hafha tshiñwe tshifhinga tsho fhiraho, huñwe fhethu, kha, *Ipfī la Tshiga*. Hu nga ho vha hu—hu Ipfī la tshiga. Ndi u shanduka. Zwi dzulela u vha nga iyo ndila. Arali zwi so ngo ralo, zwenezwo a zwo ngo bva ha Mudzimu.

<sup>192</sup> Arali muthu a bvelela na vhushumeli vhu so ngo doweleaho, vhune kha Bivhili vhu wanala vhu ha Ngoho, huno uyo muthu a dzula kha iyo pfunzo nthihi ya dinomineisheni ya kale, hangwani nga hazwo. A hu na tshithu khazwo! Mudzimu ha iti tshithu tsho raloho. Itsho tshithu, ndi mana yo sinaho i na magege khayo, kana zwivhuluvhulu, kana tshini na tshini tshine na khou ñoda u vhidza zwone, u bva kha fuiñ, miñwaha ya fuñhanu yo fhiraho, na zwino vha kha ñi lingeda u la ñila mana ya kale ya ya wa murahu miñwaha yo fhiraho. Huno vhana vha Isiraele, kha lwendo lwavho, mana ntswa yo wa vhusiku vhuñwe na vhuñwe. Izwo ndi zwone, no vha ni nga i si vhulunge.

<sup>193</sup> Riñe a ri tshili kha tshiñwe tshikhathi tsho fhiraho. Ri khou la Mana ntswa, Mana thethe i bvaho Taðulu, kha lwendo lwashu musi ri tshi tshimbila.

Kha ri kwatamise thoho dzashu zwino.

<sup>194</sup> Murena Mudzimu, U wa vhukuma, Vhuhone Hau. Ndi elekanya nga ha tshilidzi, Murena. Ro—ro U vhona u tshi ita zwithu zwinzhi! Ro U pfa u tshi amba nga dzindimi, ra U vhona u tshi dici ñalutshedza, nga kha vhatu Vhau. O Mudzimu, u vhona Iwe u tshi fhodza vhalwadze, wa vula mañø a vho pofulaho,

ita zwihole zwi tshimbile, madzinganđevhe a pfe, zwimuma zwi ambe, U Mudzimu muhulu nahone wa maanda hani!

<sup>195</sup> Huno zwenezwo u vhona uri Wo fulufhedzisa hezwi mađuvhani a u fhedza. Naho ri na u kopelwa ha muhumbulo hunzhi, fhedzi zwi khwathisedzwa fhedzi uri hu na Mudzimu wa vhukuma, huňwe fhethu, izwo ndi ngoho ya vhukuma. Ndi a rabela, Khotsi wa Tađulu, madekwana a ñamusi, uri ri vhe na luvalo lwa Mudzimu uri ri vhone uri U fhano.

<sup>196</sup> Huno havha vhathu kha muduba, musi vha tshi fhira kha uno muduba, Murena . . . ngauri ri khou ita hezwi ngauri, ro ita pfulufhedziso khavho. Huno wo ri, “Hezwi zwiga zwi do tevhela avho vhane vha tenda.”

<sup>197</sup> Afha ndi vharathu vha vhashumeli vho imaho afha, vhanna vhe Wa vha ñanga, phanda ha mutheo wa shango, uri vha vhe zwine vha vha madekwana a ñamusi. Wo ñivha, phanda ha musi hu sa athu u vha na shango, uri ri do ima afha madekwana a ñamusi, ngauri Iwe a gumi.

<sup>198</sup> Ngauralo ri a rabela, Khotsi wa Tađulu, madekwana a ñamusi, uri sa musi avha vhathu vha lwalaho, vho holefhalaho, mabofu, zwihole, vho liwaho nga pfuko, tshini na tshini tshire tshi nga vha tshi tshone, vhane vha fhira kha uyu muduba, nga vha vha tshi limuwa uri Mudzimu muthihi ane a ñivha tshiphiri tsha mbilu u do vha fhodza, arali vha nga tou zwi ñanganedza, u tou lavhelesa fhedzi nahone wa pfecta.

<sup>199</sup> Muthu we a lavhelesa kha ñowa ya vhuťungu vhu fhisaho sa tshifhe . . . tshipiđa tsha musinasešha, o vha a nga si vhuye a fhodziwa, ngauri o vha a si na u pfecta uri ho vha hu mini.

<sup>200</sup> Huno ñamusi, Murena, zwithihi. Arali vha lavhelesa kha mpho, u elekanya nga hayo khaňwe zwi nga kona u vha thusa, a vha na u pfecta. Zwi kha u vhonadzwa ha Vhuhone ha Mudzimu vhune ha vha fhano u fhodza. Zwi tendele, Khotsi. Nga vhe zwi tshi itwa, nga Dzina la Yesu. Amen.

<sup>201</sup> Ndi khou ñoda mulidzi wa piano mučuku, arali a tshi do ralo, munna kana musadzi, a nga vha nnyi kana nnyi, uri a ye fhaļa nahone a tambe ulwu luimbo, “Ñanga khulu i tsini, Yesu a pfelaho vhuťungu,” arali a tshi do ralo, hu si na ndavha uri mulidzi wa piano ndi nnyi. Zwino hezwo ndi . . .

<sup>202</sup> Ndi a eelwa iňwe ya tshumelo yanga ya phodzo ya u tou thoma, Fort Wayne, Indiana. Musidzana mutuku wa Muamish o dzula, a tshi khou tambo ila piano, “Ñanga khulu zwino i tsini, Yesu a pfelaho vhuťungu.” Lushie lučuku lwo vha lwo ñiswa kha nnę kha pulatifomo, lwo vha lwo holefhalo. Huno musi ndi kati na u rabelela lushie, lwa thamuwa kha zwanda zwanga nahone lwa gidima u mona na pulatifomo. Mme vha ñoka. Makhulu wa mukegulu vha posa ñtha sagadugu yavho, vha thoma u lila.

<sup>203</sup> Huno musidzana muṭuku wa Muamish zwino, a sa ḥivhi tshithu nga ha Vhapentekoste, ngauri o vha a tshi wela kha tshivhidzo tsha Amish; fhedzi o vha a tshi khou tamba. Mavhudzi malapfu awe a ḥembelela phasi; a takuwa Muyani nahone a thoma u imba nga dzindimi dzisili, huno yone...huno nga u takadza ha luimbo. Huno zwenezwo batheni dza piano dza ya nn̄tha na phasi, dzi tshi khou tamba, “Nanga khulu zwino i tsini, Yesu a pfelaho vhuṭungu.” Amen! Ha shanduki mulovha, ḥamusi, na lini na lini.

<sup>204</sup> Zwino kha ri rabele zwino sa... Zwino muñwe na muñwe nn̄da hafho kha rabele. Vhoiwi vhatu ni no khou da mudubani, musi ri tshi vheya zwanda kha inwi, elelwani, Yesu o ri, “Arali na zwi tenda, ni do fhola.” Ni a zwi tenda? Zwino kha ri imbe roṭe zwino.

Nanga khulu zwino i tsini,  
Yesu a pfelaho vhuṭungu,  
U ya amba... (Kha ri tou bonya maṭo ashu  
zwino musi ri tshi khou imba)... dzimbi lu  
kha u ṭutuwedzea,  
Oo, ipfani ipfī la Yesu.

Muungo wa vhudisa kha luimbo lwa vhaserafi,  
Dzina la vhudisa kha lulimi lwa vhafaho,  
Zwa vhudisa... (Mudzimu Khotsi, tshimbila  
kha vhatu zwino)... imbanī,  
O Yesu, Yesu mu fhaṭutshedzwa.

<sup>205</sup> “Muḥulwane...” Zwino musi ndi tshi khou tshimbila zwino, U fhano. Dzhiani ipfī ḥanga, kana ni zwi tende inwi mune, U fhano. Muñwe na muñwe a kha thabelo nn̄da hafho zwino u itela vhatu.

<sup>206</sup> [Mukomana Branham na vhashumeli vha rabelela vhalwadze ngeno Mukomana Borders a tshi rangaphanda tshivhing kha u imba. A hu na tshithu kha theiphi—Mudz.]

O Murena, ndi a tenda; O Murena, ndi a tenda;  
Zwithu zwoṭhe zwi a konadzea, O Murena, ndi  
a tenda.

<sup>207</sup> Vhoṭhe vhane vha tenda, imisani tshanda tshanu sa hezwi, ni ri, “Ndi a tenda.” [Tshivhidzo tshi ri, “Ndi a tenda.”—Mudz.]

<sup>208</sup> Afha ho dzula muthu o dzula hafha. Mbuno ya uri ndi vhe na ndavhelelo; u amba, u khou fa nga pfuko. U kha makobodo. A hu na ndila shangoni ya uri hoyu muthu a tshile, nga nn̄da ha Mudzimu. U na pfuko hoṭhe kha mala, nahone u khou ya u ḥovha arali hu si nga khathutshelo ya Mudzimu. Huno ndi a tama uri ndi nga sokou... [A hu na tshithu kha theiphi—Mudz.]... ipfī la ḥuṭhuwedzo kha hoyu munna.

<sup>209</sup> Ni, ni a ḥivha uri madokotela a hu na tshine a nga ni itela zwino. Ni murahu ha hezwo, ni a vhonā. Huno ni... Ni wana

tshikhala tshithihi fhedzi, nahone hetsho tshi kha Kristo, ni a vhona. Huno, murathu, ni . . . ndi do lovha liñwe ḋuvha, na nñevho. Ni do tea u ṭuwa, arali Yesu a lenga. Ndi do tea u ṭangana na inwi henengei, ra ima heneffho Fhethu ha Khañhulo. Huno vhuno vhusiku . . .

<sup>210</sup> Ni a divha, vhunga kha thelevishini, thelevishini yo gavha uri tshifhinga tshiñwe na tshiñwe tshire ra dzinginyisa na miñwe yashu, tshiñwe na tshiñwe, tshi kha rekhodo. Ipfi liñwe na liñwe liñe ra amba, li kha rekhodo. Zwino, ni a vhona, thelevishini yo zwi sumbedza. Zwino, thelevishini a i bveledzi tshifanyiso, i tou tshimbida i la weivi kha thalevishini. Ni a vhona, a i zwi iti. Ho vha hu na thelevishini musi Adamu a tshi tshimbila kha lifhasi, ho vha hu na thelevishini musi—musi Mushe a tshi fhira nga kha Lwanzhe Lutswuku, ho vha hu na thelevishini musi Eliya a kha Thavha Carmel, ni a vhona, fhedzi vho tou zwi wanulusa zwino. Ni a vhona? Huno zwino huñwe na huñwe hune nda . . .

<sup>211</sup> U dzinginyea huñwe na huñwe hune ra ita, na muungo muñwe na muñwe, zwi khou tamba kha rekhodo ine ya do ṭangana na riñe Khañhuloni. Mudzinginyo muñwe na muñwe une ra ita u do tea u ṭangana na riñe henengei. Ndi do tea u fhindulela maipfi ane nda amba na inwi, sa mushumeli. Ndi khou tea u zwi ita, ngauri Mudzimu u do mpha vhudifhinduleli khazwo.

<sup>212</sup> Zwino arali ndi tshi ralo, ndo vha ndi tshi do ni fhodza; ngauri ni tou vha na tshifhinga tshiñku, arali hu si Mudzimu. Zwino, ndo tsela fhasi nahone nda ni rabelela, nga zweþe zwine nda ñivha u zwi ita. Mukomana, tshiñwe na tshiñwe shangoni, ndi nga ita kha muthu o dzulaho afho kha iyo nyimele, ndi do tshi ita.

<sup>213</sup> Zwino irani ndi ni vhudzise, ni a vhona. No—no—no fhodzwa kale, ngauri Yesu o ri zwe ralo. Ni a vhona, “Nga ntho Dzawe ro vha ro fhodzwa.” Zwino arali ni tshi nga kona, u bva vhudzivhani ha mbilu yanu, u ṭanganedza izwo, a ni nga lovhi zwino, fhedzi ni do tshila.

<sup>214</sup> Zwino, ni a vhona, zwino ri a ñivha uri thelevishini i khou fhira nga kha luno lufhera. Izwo ri a zwi ñivha. Riñe a ri zwi vhoni. Ri nga si zwi vhone, maþo ashu ha ngo itiwa, zwipfi zwashu a zwi koni u zwi gavha. Zwi dzhia phaiphi yo bveledzwaho, kana tshiñwe na tshiñwe tshire tshi nga to ralo, zwa ludi, u gavha izwo.

<sup>215</sup> Ngauralo Mudzimu u hone. Riñe ari Mu vhoni, fhedzi ri a ñivha uri U fhano. Yesu Kristo ha shanduki. Lavhelesani, O díkwañisedza Ene mune, uri O diita hani Ene mune. Zwino, sa musi phodzo, arali O vha o ima hafha zwino, O vha a nga si ite zwa khwiñe kha inwi, ni a vhona, hu si tshiñwe tshithu. Arali Murwa wa Mudzimu o vha o ima hafha, zwine U zwone, U fhano, fhedzi A nga si ite zwa khwiñe kha inwi, ngauri O no ñitulusa

kale Ene muṇe hafha. Ni a vhona? Huno u fhano zwino, zwithu zwithihi, u fhodza inwi na u ni ita vho fholaho.

<sup>216</sup> Huno ula mufumakadzi muṭuku hafho o mmbudza, a ri, “Wo humbela phathutshedzo, na u porofita kana tshinwe tshithu,” hafha, u ri u ḋo vha na lushie, o dzula kha heila wilitshea. Huno a ralo, u na lushie lwawe.

<sup>217</sup> Huno zwino mufumakadzi muṭuku o dzulaho hafha. Zwino o vha na muaro wa mukulo, nahone wo mu omisa mirado. Zwo luga, ri sokou vhona vhunzhi ha izwo zwithu zwi tshi itea. Zwino, muṭuku, khaladzi, ndi a divha uri u Mukriste wa vhukuma. Ndi ngani Mudzimu o u tendela wa dzula afho, a thi divhi. Ndi a tenda, khaṇwe, ndi ngauri u na... Lutendo, u—u khou lingedza u vha na lutendo, u bva heneffho, ni a vhona; fhedzi zwino lavhelesa, ri so ngo lingedza u vha nazwo, kha ri tou vha nazwo zwino, ni a vhona, ri khou—ri khou ya u vha ri heneffho. Ndi zwo zwo fhedzi zwi re hone, zwi khou ya u thoma zwino, nahone ri khou ya u fholo. Huno vhoiñwi vhathe nnda hafho kha izwo zwidulo, ndi mini, kana—kana tshini na tshini tshine na vha tshone, itanu u elelwa uri Kristo u hone.

<sup>218</sup> Zwino ni ri, “Naa hu na muṇwe muthu, naa ni a vhona tshifanyiso tshanga tshi khou bvelela.” Oo, ee.

<sup>219</sup> Na Maipfi a Yesu Kristo, ane O a amba musi A tshe fhano kha lifhasi, a khou fhira nga kha luno lufhera. A lu vhuyi lwa lovha. Ndi vha ngana vhane vha divha uri izwo nga tshisaintsi ndi ngoho? [Tshivhidzo tshi ri, “Amen.”—Mudz.] Zwo luga, ndi mini? Zwenezwo Muya u gavha ilo Ipfi lo nwaliwaho, huno wa Li vhonadza. Oo, vhugala!

<sup>220</sup> U fhano. U fhano zwino, Murena. Ri tou... Ro no vhona zwinzhi vhukuma, O ita zwinzhi vhukuma, u swika hune ra sokou, ni a divha, hune ra sokou tshimbila n̄ha hazwo. Arali ra nga tou limuwa, hu si tshinwe tshithu tsha khumbulelo, maṇwe mathemo a thiolodzhi; fhedzi vhuṭanzi he A fulufhedzisa uri U ḋo disumbedza Ene muṇe kha lino ḋuvha, afha U khou zwi khwathisedza heneffha phanda hashu zwino. Tshithu tshavhudi hani! Naa izwo a si zwavhuḍi? [Tshivhidzo tshi ri, “Amen.”—Mudz.]

<sup>221</sup> Zwino ni a tenda. Naa ni do zwi tenda? Tendani uri a ni khou ya u lovha. Ni khou ya u tshila, nahone ni khou ya u ḫonifha Mudzimu. Ni khou ya u ḫonifha Mudzimu. Naa no no vhyua na lovhedzwa? Ni Mukriste, no tou ralo? Huno ni Mukriste. Zwo luga, ni khou ṭoda u tshila u itela ḫonifho ya Mudzimu. Zwenezwo tshimbilani ni tshile, murathu wanga. Nga Dzina la Yesu Kristo, tshilani!

<sup>222</sup> Huno, khaladzi, ni khou ṭoda u tshila u itela vhugala ha Mudzimu, nahone na londola lushie lwaṇu; zwenezwo tshimbilani, khaladzi, nga Dzina la Yesu Kristo!

<sup>223</sup> Inwi, muñwe na muñwe wanu, itani zwithihi, nga Dzina la Yesu Kristo! Ni so ngo hangwa heyi Westward Ho Motel hafha madekwana a ñamusi, Vhuhone ha Mudzimu ho ḥaluswa hafha. Ha ñhonifhi mūthu. U khou tou ṭoda inwi ni tshi tenda. Naa ni a Mu tenda zwino? [Tshivhidzo tshi ri, “Amen.”—Mudz.] Amen. Mudzimu a ni fhaṭutshedze.

<sup>224</sup> Kha ri kwatamise ḥoho dzashu zwino. A thi ḫivhi we vha ñanga, u—u balanganya. Mukomana Mushegian hafha, iðani hafha, murathu. U khou ya uri balanyanya nga thabelo. Mudzimu a ni fhaṭutshedze. 

*MUDZIMU O PFUMAHO KHATHUTSHELO* TSV65-0119  
(The God Who Is Rich In Mercy)

Hoyu Mulaedza nga Mukomana William Marrion Branham, u rangani wo newa nga Tshiisimane nga madekwana a Lavhuvhili, Phando 19, 1965, u itela Vhučama ha Vhanna vha Vhubindudzi vha Mafhungo-maqifha O Fhelelaho Vhadzitshaka ngei Westward Ho Hotel fhaļa Phoenix, Arizona, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi Ɋhalutshedzo ya Tshivenđa yo gandiswa huno ya phađaladzwa nga vha Voice Of God Recordings.

TSHIVENDA

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)